



सानसेयारि 'बड'सा' खीरालाइयाव
समाज्यादि जिउजो लोखा थाबाय रायथाय, ब्रम्हाय,
सल', सल'बाथा आरु देवबायादि थावनि, पार्क
बाइदिनि सायाव लिन्नाय लिन्दिबां देथाय हर/
सानसेयारि 'बड'सा' खीरालाइया खेबखानाबै
फोसावगोन/
बड'सायाव लिन्हरनायि दुबा खालाम,
'बड'सा' खी नोथां, जो बयबो आंगो खालाम/
सानसेयारि बड'सा मावखुनि
माइवं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 11 November, 2024 Kokrajhar, BTC, Assam ★ Vol.-34, Issue No.224 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

कक्राझार एन.सि.सि. हाफ माराथनआ 17 नवेम्बराव खुंजागोन

कक्राझार, 10 नवेम्बर:
कक्राझार एन.सि.सि. हाफ
माराथनआ रबिबार 17 नवेम्बर,
2024 खालि जागायजेन्नो
थियारि, जेराव गासैबो थाखोनि
बाहागो लागिफोरखौ हादतनि
गासै 17 बिथोनगिरिफोरनि
भारतनि गोम्गाथाव एन.सि.सि.
के डेटफोरजो लोगोसे मोनसे
थुलुंगायादि खारनायखौ मोनदो
थाखाय हांग्रायहरनाय जादो। बे
हाबाफारिखौ गोजोननि नोगोर
कक्राझाराव खुंजागोन जागोन आरो
बेयो बयखौभो भारतनि अमृत-
काल फोलेरजो सोमोन्दो लाखिनो
(□ 6 बिलाइआव)

कक्राझारनि बड'लेण्ड मुलुग सोलो'सालियाव गाब गोनां हाबाफारिजो खुंजाबाय उथि इन्टार कलेज इयुथ फेस्टिभेल बड'लेण्ड हालामनि फरायसाफोरा गोब्राब नाजायो आरो बिसोरो जोबोर रंगौथि गोना : भि. चि. बाबुलाल आहुजा

कक्राझार, 10 नवेम्बर:
कक्राझारनि बड'लेण्ड मुलुग
सोलो'सालियाव सानब्रेनि गाब
गोनां हाबाफारिजो खुंजाबाय
उथि इन्टार कलेज इयुथ
फेस्टिभेल आ दिने
जोबलांबाय। बड'लेण्ड मुलुग
सोलो'सालिनि सिडव
सामलायजागोन गासै गं 39
गुबुन गुबुन फरायसालिमाफोरनि
(□ 6 बिलाइआव)



बिसाइख 'थि फोसावदि' मेलआव बाथौ धोरोमखौ अफमान खालामनायनि हेंथायै खुद्रिखांदो बाथौ सिबियारिफोरा

लाइमोन बि पि एफनि दैदेनगिरि जितेन मोसाहारिया सान्नेनि
गेजेराव निमाहा बिनांगो: तामुलपुर जिल्ला दुलाराइ बाथौ गौथुम

तामुलपुर, 10 नवेम्बर: फेगौ
13 नवेम्बरआव खुंजागो गोनां
आसामनि गुबुन मोनब्रे बिधान
सभा बियाबफोरजो लोगोसे
चिरां जिल्लानि सिदलो बिधान
सभा उफ्रा बिसाइख 'थिनि
थाखाय गुबुन गुबुन राजखाथि
दोलोफोरनि बिसाइख 'थि
फोसावदिनाय हाबाफारिया
गोखोडे सोलिगासिनो।
बेबायदिनो गुबुन गुबुन
राजखाथि दोलोफोरनि
दैदेनगिरिफोरा बेरेखा दोलोनि
दैदेनगिरिफोरनि हेंथायै बायदि



बायदि रावजो सोंखारिनाय, गावनि दोलोखौ बाख्नायानै
रावजो गालोबनाय आरो मुं
सुलायनायनि गेजेरजो गाव-
बिसाइख 'थि फोसावदिना राजो-
(□ 6 बिलाइआव)

भेरगाव जिल्ला बर' गुदि फोरोंगिरि आफादनि नैथि थाम बोसोरारि जथुम्मा



भेरगाव जिल्ला आफादनि नैथि थाम
बोसोरारि जथुम्माखौ दिने
भेरगावनि बिष्णु राभा माल्टि कालसरेल
कमप्लेक्सआव सानसेनि
मेहेर गोनां हाबाफारिजो खुदो।
नैथि थाम बोसोरारि जथुम्मानि
हाबाफारि बायदिथै फुनि समाव
(□ 6 बिलाइआव)

आसामनि राइज्यो बेगिरिया प्रतिभा प्रत्साहन यज्जानि काउन्सेलिं जथुमाव बाहागो लादो राइज्यो बेगिरिया कृष्ण कान्त हेन्दिकनि मोनसे जिउ महरनि मुसुखा बेखेवदो

गुवाहाटी, 10 नवेम्बर:
आसाम राइज्योनि राइज्यो
बेगिरि लक्ष्मण प्रसाद आचार्यआ
बुडोदि सुबु सिबिथाया बिमा
हादतखौ सिबिनो थाखाय
मोनसे गोथार लामा आरो सुबु
मावख 'गिरिफोरा सरकार आरो
राइजो-राजानि गेजेराव गोखो
दालां, जाय सरकारनि



बिथांखिफोर आरो रिक्मफोरखौ
मावफुनायाव हेफाजाब होयो।
दिने कृष्ण कान्त हेन्दिक स्टे
अपेन युनिभासिदिनि सावयय न
रायजो बेगिरि लक्ष्मण प्रसाद
आचार्य आ बिबु'थि
लाखिमासिनो दंमोन, ब्लाडव
राइजो बेगिरि आसामनि प्रतिभा
(□ 6 बिलाइआव)

बिपिएफ दोलोनि बिजाथिखौ देरहाहोनो खावलायनानै बासुगावआव हान्जा सुरनाय हाबाफारि खुंदो



बासुगाव, 10 नवेम्बर: 31 नं चिदली बिधान सभा बियाबनि
उफ्रा बिसायख 'थिया गेजेराव साननेसोल' सम थानायनि गेजेराव
दिने हाग्रामा महिलारी दैदेनाय बिपिएफ दोलोनि बिजाथि सुद
बससुमतरिआ दोलोनि हेफाजाबगिरिफोरखौ लानानै बासुगाव
सहराव मोनसे हान्जा सुरनाय हाबाफारि लायो। हान्जा सुरनाय
हाबाफारियाव बिपिएफ दोलोनि
(□ 6 बिलाइआव)

उदालगुरि जिल्ला एबसुआ खुंजाय 8थि रंगौथि सायख' आन्जादनि फिथाइखौ फोसावबाय

उदालगुरि, 10 नवेम्बर:
उदालगुरि जिल्ला दुलाराय बर'
फरायसा आफादआ खुंजाय 8थि
रंगौथि सायख' आन्जादनि
फिथाइखौ दिने फोसावबाय।
उदालगुरि जिल्ला दुलाराय बर'
फरायसा आफादआ गुन गोनां
सोलो'थाइ मावथांखिखौ बिथा
(□ 6 बिलाइआव)



कक्राझारआव इउपिपिएलनि लेडाइ आफादगिरि आफजाल हक सरकारनि खौरांगिरि मेल बिटिसि गोरोबथानि गेजेरजो गोजोन थासारि फैदो, सोलो'थाइयाव सोलायनाय फैदो: आफजाल हक सरकार

कक्राझार, 10 नवेम्बर: प्रमद
बर' दैदेनाय बिटिसि सरकारनि
बै बोसोर खु'थायाव
बिटिआरआव बयनिखुइबो
गिदिर जाफु'सानाया जादो
गोजोन गायसनाय आरो गुबुन
गुबुन बिथिहाव सोलायनाय। बे
बाथ्राखौ बुदो बिटिसि बारा'



एमसिएलए आरो मिरु
इउपिपिएलनि दैदेनगिरि आफजाल
हक सरकारआ बुडो। मख'नो
गोनांदि, दिने कक्राझारआव
इउपिपिएलनि दैदेनगिरि आफजाल
हक सरकार उफ्रा बिसायख 'थिखौ
लानानै मोनसे खौरांगिरि मेल खुनां
(□ 6 बिलाइआव)

नब' शरनियानि हेंथायै खुद्रिसारदो अबर' सुरक्षा आफादनि नेहाथारिया

नब' शरनिया आरो हाग्रामा महिलारीआ
अबर'नि हेंथायै खैसार खालामदो: जन दास



भवानिपुर, 10 नवेम्बर:
चिदली बिधान सभा
बियाबनि उफ्रा
बिसायख 'थियाव कक्राझार
लक सभा बियाबनि बारा'
एमपि आरो गण सुरक्षा पार्टिनि
आफादगिरि नब' कु मार
शरनियाआ हाग्रामा महिलारीनि
बिपिएफ दोलोखौ हेफाजाब होनायनि हेंथायै खुद्रिखांदो अबर'
सुक्षा आफादा। मानास माहारियारि हाग्रामानि बासबारि रेजनि कहुवा
रिजटआव दिने खुंजाय मोनसे खौरांगिरि मेलनि गेजेरजो अबर'
सुरक्षा आफादनि नेहाथारि जन
(□ 6 बिलाइआव)

धेमाजि जिल्ला एबसुनि 30थि बोसोरसालिया जथुम्मा आरो सिमेन दख'रा एबसुनि 34थि बोसोरसालिया जथुम्माया फेगौ डिसेम्बर दानाव खुंजागोन

बान्जाय आफादनि मावखुलिखौ बेखेवबाय

सिमेन सापरि, 10 नवेम्बर:
धेमाजि जिल्ला एबसुनि 30थि
बोसोरसालिया जथुम्मा आरो
सिमेन दख'रा एबसुनि 34थि
बोसोरसालिया जथुम्माया
सोलिफु बोसोरनि फेगौ
डिसेम्बर दानाव खुंजागोन।
सोलिफु बोसोरनि फेगौ
डिसेम्बर दाननि 28 आरो 29
अक्टआव सान्नेनि हाबाफारिजो



खुंजागो गोनां धेमाजि जिल्ला
एबसुनि 30थि बोसोरसालिया
जथुम्मा आरो सिमेन दख'रा
एबसुनि 34थि बोसोरसालिया
जथुम्मानि बान्जाय आफादनि
मावखुलिखौ दिने बेखेवबाय।
सानजारि नोगोर सिमेन सापरिनि
समक'आव खुंफुनो गोनां धेमाजि
जिल्ला एबसुनि 30थि
(□ 6 बिलाइआव)

साहा बरतारि गुदि फरायसालियाव बारग' फरायसा फोबो खुंदो



सालबारि, 10 नवेम्बर: बाक्सा जिल्लानि सालबारि महकुमानि
सिडव थानाय 459 नं साहा बरतारि गुदि फरायसालिनि बारा'
फरायसा फोबो'जो लोखा लाखिनानै मेहेर गोनां हाबाफारि खुंजाय
जायो। बे फोबो'नि लोखाजो
(□ 6 बिलाइआव)

गरेस्वरआव अस्वमिता रागबि लीगआव तामुलपुर जिल्लानि देरहासार

गरेस्वर, 10 अक्टबर: रागबि
इण्डियानि सुंथानायाव आसाम
रागबि आफादनि हेफाजाबाव आरो
तामुलपुर जिल्ला रागबि आफादनि
बान्जायनायाव थानाय 9 आरो 10
नवेम्बरआव अस्वमिता रागबि
अमेन्स लीगखौ गरेस्वरनि राजिब
गान्धी मिनि स्टेडियामाव खुंजाय
जायो। रागबि गेलेमुखौ मुंदांखा
खालामनो थाखाय तामुलपुर
रागबि आफादआ थानाय
समफोरव माखासे बादयलायनाय



हाबाफारि खुंबोदो। मैया 9
नवेम्बरखालि तामुलपुर
जिल्लानि जिल्ला बेगिरि पंकज
(□ 6 बिलाइआव)

खाग्राबारि दख'रा एबसुनि 42थि बोसोरसालिया जथुम्मा खुफुनो लाइखुन्थिया गाइसनबाय

उदालगुरि, 10 नवेम्बर:
उदालगुरि जिल्ला दुलाराय बर'
फरायसा आफादनि आवथायाव
थानाय सोनाब सिमार्जि मैखोम
बर' ओन्सोल बर' हारिनि राव,
थुनलाइ, हारिमु, सोलो'थाइ,
गेलेमु आरो बायदि बायदि
बिथिडव बर' हारिनि
जौगाथायनि सायाव बिथा
खालामना अराय समाजनि
थाखाय बावसोमना खामानि
मावबोनाय खाग्राबारि दख'रा



दुलाराय बर' फरायसा
आफादआ गायसनायनिफ्राय
लानानै दिनेनि
बुब्लिसिमहालायौ दख'रा
आफादनि बोसोरसालिया
जथुम्माखौ खुंबोबाय थानाय
देग्लाय 42थि बोसोरारव
आगान होफेबाय। देग्लायनि
बे खुंजा 42थि बोसोरसालिया
जथुम्माखौ दख'रा आफादनि
सिडव थानाय बुद्रा गामिनि
(□ 6 बिलाइआव)

माजबात गोजोसिन गेजेरारि फरायसालिनि हिराथि माइथाय फालिथाया खुंजाबाय

उदालगुरि, 10 नवेम्बर:
सानथामनि मेहेर गोनां हाबाफारिजो
खुंजाय माजबात गोजोसिन गेजेरारि
फरायसालिनि हिराथि माइथाय
फालिथाया मैया रबिबारखालि
खुंफुजायो। बे फालिथाइनि जोबथा
सानाव खुंजाय गेवलां मेलाव
थिखानाय बुंथिगिरि महेर राइज्यो
सरकारनि सोलो'थाइ मन्थि ७ रनज
पेगुआ बाहागो लायो। जर'खा
(□ 6 बिलाइआव)

सुजुगिरिनि खोलोम

गोबां आबाद दिहुन्थायाव
हान्था-मेलानिबो राहा थानांगौ

राइजो जानायाव बयहाबो गावनि फासै थि आरो आबुं जानायखौ हास्थायो। हास्थायनाय लुबैनायनि गुदियावनो दं थाना थानायनि थागिदा, न'खरखौ माय-दै, रं-रुपाजो ग्रोम ग्रोम खालामनानै न'खराव बिजि-फिसा उयुन जोलैफोरनो थाना थानायनि लामा बेखेवनानै होलांनयनि थांखि। आबाद गाहाय हादतनि सफ्रोम आबादारिफ्रा न'खरखौ माय-दै, रं-रुपाजो ग्रोम-ग्रोम खालामनानै रंखांनियारि बिथिडे गेरेमसा दानो हानायनि गुदियावनो दं आबाद मावनाय आरो दिखानायाव मोन्नांगौ बाइदिसिना खाबु आरो राहा। आबाद दिखानायाव मोन्नांगौ राहा आरो खाबुफोरखौ मोनफुंनो हायोब्लासो आबादारिफ्रा गोबां आबाद दिहुन्थायाव मख'जाथाव मावफारि लानो हागोन। जोनि आबादारिफ्रा गुबैयै बाइदि बिथिनिफ्राय खाबु मोन्नांखौ। मोनरोडेयाव आधिकालनि थासादि आरो आबहावयाजो गोरबनानै आबाद दिखानो आरो मावनो हायाखै। गोन्खोयारि आदोबजो गोबां दिहुन्थाय आरो बाडाय हायावनो आबाद दिखानानै मावना जानायाव गोत्राब हेंथा लाबोदो।

आबादयानो थाना थानायनि गुदि राहा आरो गाहाय दिहुन्थायब्लाबो आबाद दिखानायनि बागौ आबादारिफोरनो थि समाव गोगो जोलै बेगर जगायनाय, दै सारनायनि राहा होनाय, मुलि दावालि हासार जगायनानै होनायनि थि खालामनो हायोब्लासो आबादारिफ्रा आबाद दिहुन्थायाव मख'जाथाव बिहोमा लाबोदो हागोन होनानै सानो हागौ। सरकार बिथिनिफ्राय थि समाव थि राहा लायोब्लासो आबादिनि गेजेरजोबो आधिकालाव थाना थानायनि राहा जगायनो हायो होन्नाय मोन्थोरा मोकथां महर मोनो हागौ।

आबादिनि सायावनो अराय सम सोनारनानै थारा आबादारिफ्रा गोगो आरो गोबां आबाद दिहुन्थाय दिखानो हायोब्लासो गाव हासिं थानानै थानायजो लोगोसे हादतनि फासैबो मदत जगायनो खाबु मोनगोन।

बोथोर मोनसेयाव दैज्जानि माय आबादल'जो न'खर फोलोमनायनि मिजिं खालामनांगौया गोत्राब। बे बिथिडेनो माय आबादजो लोगोसे दैज्जानि दैज्जानि मेसेंन मेसेंन बाइदिसिना मैंग-थाइंग, फिथाय-सामथायजो लोगोसे सबाय, बेसर, फाथो रोखोम रोखोम आबाद मावनाय आरो दिखानायाव सरकारी बिथिनिफ्राय लानो गोनां राहाफोरखौ आबादारिफोरनो जगायनानै, बोसोन, सुबुरुन होनायनि मावफारिफोरखौ बिफानारि मावफारियांनि गेजेरजो होनायनि राहा खालामनांगौ। बाइदिसिना आबादिनि फासै जेबो रोखोमनि रोंग थि गैयै आबादारिफोरनो बोसोन सुबुरुन होनायजो लोगोसे आबाद दिखानायाव नांगो जानायफोरखो गुबुन राइजोफ्राव आबादारिफोरनो बाडाय बेसेनै मोनफुंनो हानाय बादि जगायनायनि राहा लानांगो लोगोसे आबादारिफोरनो जगायनाय मुवाफ्रा थि समनि गेजेराव मोनफुंनो हानाय बादियै जानांगौ।

दिनैनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ)
कर्कट : ड ह सिंह : म ट कन्या : प ठ (ण ष)
तुला : त र बृश्चिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ज झ)

मेघ : जैरेबो रंजा-बाजा खालामनानै थानो हागोन। गोजोनै सम बारहोनो हागोन। मोजां सान।

वृष : जेखि खामानियावनो मावा मानो जेना नुजानो हागौ। सांग्राडे मावनांगोन।

मिथुन : देहा-सावस्त्रिनि बोलोआ मोजाडेनो थागोन। फालांगिरि मावग्राया मुलाम्फा मोन्नो हागोन।

कर्कट : फोबोनि समाव रंजा-बाजा खालामनो हागोन। जेखि जाया गोजोन्नाय लानो हागोन।

सिंह : गुबुनफोरजो बायदिसिना होन्नानै खैसार साजानो हागौ। जैरेबो सांग्रा जानानै थानांगोन।

कन्या : गोसोआव खुसि गैयै जालानो हागौ। गोसोखौ सांग्राडे लाखि।

तुला : माखौबा सान्नानै जिगा सिनानो हागौ। जेखियानो जाया गोसोखौ हम्था।

बृश्चिक : जेना जैसिखौ लानानै गिखानाय मोनगोन। गोसोखौ लोरबां लानो नाड।

धनु : जेखियानो मावा बे राशिनि थाखाय मोजां सम। फालांगिआव रांखावरि मुलाम्फा मोनगोन।

मकर : नख'रे संसार जानायाव शांतिखौ मोन्नो हागोन। फारफोमथिबो मोजां।

कुम्भ : बिसि-फिसायनि गेजेराव दावरव-दावसिफोर जानो हागौ। गोसो हम्थानानै सोलिनांगोन।

मीन : बेफार फालांगि मावनायाव मुलाम्फा आरजिनो हागोन। गोजोन मोनगोन। मोजां सान।

भारतआ गावनि बाहागोआव गासैबो हाबा-
फारिखौ नोजोर लाखियो: एडमिरेल त्रिपाठि

गोदान दिल्ली, 10 नभेम्बर : दै सान्थिनि गाहाइ एडमिरेल दिनेश त्रिपाठिआ बुंदोदि, भारतहा लै थोमाफोराव नोजोर लाखिनायनि थाखाय गोहोम गोना 'प्लेन दड। भारतआ बे बाभ्राखौ आबुडे मिबथिगोदि, सोर बबेयाव दड आरो मा खालामदो, जाहाते बेखौ रोखा खालामनो हायो, हादतनि हितफोराव जेबो रोखोमनि गोरोबथा जाया। भारतयारि दै सान्थिनि बान्जयनायाव थानाय शुक्रबारखालि मोनाब्लियाव खुंनया हादतनां सौलु बादयनाय टैक्य 2024 नि ग्रेन्ड फेनालेनि उनाव त्रिपाठिआ बेखौबो बुडोदि, भारतआ गावनि हितनि फोथाराव हाबाफारिफोरखौ गोखौ नोजोर लाखियो। दै सान्थिना

दुथांफोरनि गुलि गावनायाव
सासे डक्टरआ जोखोम जादो

इम्पल, 10 नभेम्बर : मणिपुरनि इम्पलआव हरनि समाव सिनायमोनै हाथियार लाग्रा सुबुंफोरा सासे गावआरि क्लिनिकनि डक्टरखौ नोजोर होनानै गुलि गावकुडो जेराव, बिथाइ जोखोम जायो। पुलिसआ बुडोदि, इम्पल सान्जा जिल्लानि परमपट मुनि जायगायाव डायबिटिज हेल्थकेयार रिसां सेंटर (डिएसआरसि) नि मेनेजिं डायरेक्टर डा. मडंगथेम धरबिखौ शनिबारखालि हरनि समाव बिथानि मावख'आव सिनाय मोनै हाथियार लाग्रा सुबुंफोरा गुलि गावदोमोन। सासे पुलिस बिबानगिरिनि बादिब्ला साथाम सुबुंफोरा गावसोरखौनो पेसेन्ट होना मिबथि होनानै शनिबारखालि बेलासि समनि 6:00 रिगासोआव डिएचआरसिआव सौहैदोमोन। डा. धनबिजो सुबुरुन लानायनि उनाव खुदिलायनानै दुहाव थासादि सोमजिहोयो। हरखाबै सासेआ पिस्टल दिहुनो आरो डक्टरखौ गुलि गावयो। गुलि नांजानानै डक्टरनि आगसि आखाइआ जोखोम जायो। गुलि गावनायनि उनाव गाग्लोबग्रा दुथांफोरा डिएचआरसि मावख'नि बायजोआव लाखिनानै थानाय गंसे एम्बुलेन्सआव 6 राउन्ड फायरि खालामनानै जाथाय जानाय जायगानिफ्राय खारलाडे। पुलिसआ बे जाथायनि मोनसे केस थिसनो आरो गाग्लोबनायनि जाहोनखौ नायबिजिनो जागोयो। दासिमबो रवबो सुबुड जाथायनि बिबानखौ लायाखै। अदेबानि मणिपुर पुलिसआ सन्देह खालामदोदि, बेयो जायगानि दुथां हान्जा एबा गुबुन दायनिगिरि तत्वफोरनि गेजेरजो जर-जलुमै लुथिनो नाजाग्राफोरजोबो लोब्बा थानो हागौ।

तिरुबनन्तपुरम उरां गाथोनआव सिबिथाया 5 घन्टा बन्द जादो

तिरुबनन्तपुरम, 10 नभेम्बर : के रेलानि तिरुबनन्तपुरम इन्टरनेसनेल उरां गाथोनआव शनिबारखालि अल्पसि अराडु हाबाफारि खुंनयनि जाहोनाव सिबिथाया 5 घन्टा बन्द थयो। बेनिफ्राय होंगो-दोंगो सुबुंफोरा मन्दिरसिम थांफिनायनि उनाव हरनि 9.00 रिगासोनिफ्राय उरां सिबिथायखौ होफिन्नाय जायो। मख'जाथावदि, मन्दिरनिफ्राय उरां गाथोननि लामाजो शंकुमयुम लैथोमा बोरिसिम थोरोमारि हान्जा सुरनाय हाबाफारि खुंनय थयो जादोमोन। बे हान्जा सुरनाय मोनाबिलिनि 5.00 रिगायाव मन्दिरनिफ्राय जागोयो आरो राजानि नख'रनि हौवा सोद्रोमाफोरनि अनगायै गोबां अन्जमायाव सिबियारिफोरजो लोगोसे मा 5 मैदेरआबो हाबाफारिआव बाहागो लायो। उरां गाथोननि लांगोनायाव हान्जा सुरनाया सौहैनायनि उनाव पधनाभ स्वामी, नरसिमा मुर्ति आरो कृष्ण स्वामीनि उत्सभ भिग्रहनि मुसुखाफोरखौ माखासे



बुडोदि, चीनआ मुलुगनां जायखि जाया बाहागोआव जायखि जाया खामानि मावो, बिखौ मावहो। बिसोरो जौनि हित गोनां ओन्सोलाव मा खालामो बेखौ जौ गोखौ नोजोर लाखिगासिनो।

इन्भेसना दै सान्थिनि जौसिन गाहाइ हाबाफोरनि गेजेराव

मोनसे, त्रिपाठिआ बेखौबो बुडोदि, भारतयारि दै सान्थिना

डनाल्ड ट्राम्पनिफ्राय भारतआ माबोरै मुलाम्फा
जागोन, रेटिं एजेन्सिआ बे जाहोनखौ होदो

गोदान लिली, 10 नभेम्बर : आमेरिकानि हादत गिरि बिसायख'थियाव डनाल्ड ट्राम्पआ बादायगिरि कमला हेरिसखौ फेजेनानै गिदिर देरहासार जानो हादो। आमेरिकानि हादत गिरिआ 2025 माइथायनि जानुवारियाव समायखिरा लागोन। बे समावनो मोनसे गेजेर हायुआरि रेटिं एजेन्सिआ इयुन रादाव होदोदि, भारतजो लोगोसे एसियायन हादतफोरा ट्राम्पनि हादत गिरिनिफ्राय मुलाम्फा जागोन। मुडिज रेटिं गसनि बायदिब्ला, आमेरिका-चीननि गेजेराव बांलानाय जेनाफोर आरो सोलोआरि सेक्टरफोराव जाथवाव रांखांनियारि जाहोनाव भारत आरो गुबुन एसियायनि हादतफोरा मुलाम्फा जागोन होना सान्नाय जादो। एसिया-पेसिफिक ओन्सोलाव, फालांगि आरो रांखांनियारि बांनया चीननिफ्राय आरोबाव गोजानाव थानो हागौ, मानोना आमेरिकाआ सोलोआरि सेक्टरफोराव रांखांनियारि गोखौ खालामोगोन, जाय चीननि रांखांनियारि गात्रि गोहोम खोख्लैगोन आरो फिथाइ महरै ओन्सोलारि जौगानायखौ खम खालामगोन होन्नानै बहुमनां रेटिं एजेन्सिआ बुडे। बबेखानि, बे सोलायनाया भारत आरो एसिया हादतफोरखौ मुलाम्फा मोन्नो हागौ। मुलुगनां एजेन्सिआ



राजखान्थियारि, फालांगि हाबफेनाय आयदाफोराव ट्राम्प खुंथयनि सिडव मख'जाथाव सोलायनायखौ मिजिं थिदो, जाय आमेरिकानि सोलिबाय थानाय हादतगिरि ज'बाइडेनि फारसे खुंथाइनि नोजोरनिफ्राय जानगाराव थयो। रेटिं एजेन्सिआ बुदोमोनदि ट्राम्पआ मोनफ्रोमबो बिथिडव गावनि एजेन्डाखौ नारसिननो थाखाय दारासुजु आरो मावफुंआरि मोनैबो लामाफोर थानो हागौ।


बै सानैलाइमोन आइजो दै सान्थि बिबानगिरिफोरनि सायाव गोगानाय दड; जाय नाबिका साहर परिक्रमा-2 नि गेजेरजो गंसे नावजो मुलुगखौ गिदिंखन्नायनि मिशानाव थाफादो। बेयो चेलेन्सगोनां यात्रा, मानोना बिसोरो लैथोमा आरो गात्रि बोथोरजो मोगा-मोगि जानांगोन। नाथाय बिसोरो मोजां रोखोमै ट्रेनिं लाखानाय। टैक्यु 2024 नि थाखाय हादतनाडैनि 3,800 सहरफोर आरो गामिफोरनिफ्राय गं 12,600 फरायसालिफोर

बाहागो लायो। मान 16 टिमफोर सेमिफाइनालआव सौहैबाय आरो मोन 8 टीमफोर ग्रेन्ड फिनालेआव बाहागो लादो। सिडिेश जेनेरेल अनिल चौहानआ शुक्रबारआव शौर्य गाथा बिथांखिखौ बेखेवना होयो। बे बिथांखिनि थांखिया सोलौंथाइयारि हाबाफारिफोर आरो टुरिन्मनि गेजेरजो भारतनि सान्थि बिसरतखौ रैखाथि गोनां आरो बांहोगोन। हाबाफारिनि समाव जेनेरेल चौहानआ सान्थिनि आयदाफोराव माखासे बिजावफोरखौबो बेखेवना होयो।

बेसेन जथाइ हादतआरि खहाखौ बांहोने हागौ होना सान्नाय जादो। एजेन्सिनि रिपट'आव बुंनय जादोदि, ट्राम्पनि दैदेन्नायाव आमेरिकाया मोनसे रैखाथियारि खांथि नाजावगोन, जाय बांसिन हेंथा होग्रा जागोन आरो मुलुगनां जौगानायनि थाखाय खैफोदखौ बांहोगोन। बेयो बुंदोमोनदि, रैखाथियारि राहाफोरा मुलुगनां जगायनाय फारिफोराव गोहोम खोख्लैनो हागौ आरो बायजोनिफ्राय लाबोनाय बेसादफोर आरो दिहुन्नाय, बिरोंदामिन आरो खुला फालांगि बायदि बेसादफोरनि सायाव सोनारनाय सेक्टरफोराव गात्रि गोहोम खोख्लैनो हागौ। रेटिं एजेन्सिआ बुंवावदोदि, ट्राम्पनि फालांगि खांथिया दिहुन्थाय सेक्टरआव गोखै गोहोम खोख्लैगोन।

मणिपुरआव पटका सावनायजो
सासे सुबुड जिउ गोमायो

इम्पल, 10 नभेम्बर : मणिपुरनि इम्पल सान्जा जिल्लानि सिडव थानाय पडर-खनजिन गामियाव पटका सावनायनि उनाव सासे सुबुंनि जिउ गोमायो। रिपट मोन्नायनि उनाव मणिपुर पुलिसनि फेरिन्सिक एक्सपार्टनि मोनसे टिम आरो अंगद पुलिस स्टेसननि मावसुमाफोर थाबैनो जाथाय जानाय जायगायाव सौहैनानै नायबिजिनो।



जाथायखौ गुवारे नायबिजिनो आरो उनाव पस्टमर्ट'मनि थाखाय इम्फलनि सान्जा जिल्लायान थानाय जवाहरलाल नेहरु आर्युबिज्ञान फसंथानाव गोथै सहरखौ दैथाय हरनाय जायो। पुलिसआ जाथायनि सायाव नायबिजिनयारि जागोयो। खुंथाया राइजो-राजाफोरखौ जायफोर सुबुंफोरा गोमानानै दड एबा बे जाथायाव लोब्बा दड बिसोरनि सोमोन्दै थाबैनो रिपट खालामनो खावलायो। बे

गिखंथाव जाथाया मणिपुर सरकारी गेजेरजो आबादारिफोरनि पटका सावनायखौ बन्द' खालामनाय बिथोन फोसावनायनि सान्ने उनाव जादोमोन। थौबल आरो बिष्णुपुर जिल्ला खुंथाया नुनो मोन्दोमोनदि, माइ हानाय बोथोरनि जागायजेनायाव माखासे सुबुंफोरा माखासे गोदोनि सोलिबोनाय नेमफोरनि हेफाजाव लादोमोन, जायजो राइज्योआरि सम्पतिआ खहा जादोमोन आरो राइज्योआरि रैखाथिनि थाखाय जे'ना सोमजिदोमोन।

लखौ-आग्रा एक्सप्रेस वेआव जाब्रथायजो बिफा-फिसाज्जानि जिउ गोमादो



उनाव, 10 नभेम्बर : लखौ-आग्रा एक्सप्रेस वेआव मटरियानि साखाथियाव गोमो लाइनि सिडव पाकिं लन्आव लाखिना दोन्नाय कन्टेनरआव जोबोद गोखोडे स्कर्पिय गारिआ उन फासैनिफ्राय सौखायफैयो। जेराव बिफा आरो सानै फिसाज्जानि जिउ गोमायो। बिसोरो गाजियाबदिनिफ्राय गया फासै थंगासिनोमोन। खौरनि बादिब्ला, जिउ गोमानायफोरा गाजियाबदिनि थागिबि 50

बोसोर बैसोनि सन्जय, बिथानि फिसाज्जानिफोर 35 बोसोरनि गौरभ आरो 30 बोसोरनि गौरभ होन्नानै मिथिनो मोन्दो। रबिबारखालि फुडव 7.00 रिगासो समाव मटरियानि साखाथियाव एक्सप्रेस वेनि सेरआव गोमो गाबनि लाइनआव लाखिना थानाय कन्टेनरआव उनथिनिफ्राय गोखै फैनानै सौग्रावो। जेराव सा 3 बो गोत्राबै जोखोम जायो। इडपिडा आरो पुलिस टीमआ जोखोम जानायफोरखौ लकबन्धु फाहामसालिआव थिसनो। नाथाय डक्टरआ साथामखौबो जिउ गोमाबाय होन्नानै फोरमायो। पुलिसआ जात्रथाय जानाय गारिनिफ्राय गहेना, नोगोद रं आरो गुबुन अन्थोबफोरखो बोखानो मोनो। महान आउटपस्टिन् इन्वार्स अनिल कुमार साहुआ फोसायदोदि, स्कर्पियनि सा 3 खौबो फाहामसालिआव लादोमोन नाथाय दुखु नांथाव बेयावनो बिसोरो जिउ गोमायो। इडपिडा रैखाथि बिबानगिरि आरके चन्देलआ फोरमायनाय बादिब्ला, कन्टेनरआ लामानि गोमो गाबनि लाइनआव लाखिना दडमोन आरो झुइभारआ सानफ्रोमबोनि बादिनो हावा मावदोमोन। बे समाव स्कर्पिय गारिआ उनफासैनिफ्राय सौग्रावफैयो।

हवाईट हाइसआव बाइडेन आरो ट्रम्पआ मोगा-मोगि लोगो हमगोन

वाशिंग्टन, 10 नभेम्बर :
आमेरिकायाव हादतगिरि
बिसायख 'थिया गोजोनै जोबलाडे
आरो बैयावनि नोगोरारिफोरा
डनाल्ड ट्रम्पखौ सायख 'यो।
हवाईट हाउसआ मिबथि होनाय
बायदिब्ला, हादतगिरि ज'
बाइडेनआ फँगौ बुधबायव गोदानै
सायख 'जानाय हादतगिरि ट्रम्पजों
अभल अफिसआव लोगो
हमगोन। बिथांमोनहा फुनि 11
रिगायाव लोगो हमगोन होनाबो
हवाईट हाउसआ मिबथिहोदों।
थानाय 5 नभेम्बरनि
बिसायख 'थिआव ट्रम्पआ
जादिमिनारि देहसासनो हायो। फँगौ
जानुवारीयाव ट्रम्पआ हादतगिरि
बिबानखौ आजावगोन। डनाल्ड
ट्रम्पआ बावैसो सिगां
बिसायख 'थियाव 50.9 जौखोन्दो
भट मोनो हायो आरो कमला



हेरिसआ 47.6 जौखोन्दो भट
मोनो। इलेक्टेरल कलेजआव
ट्रम्पआ 295 आरो कमला
हेरिसआ 226 भट मोनो।
आमेरिकायाव हादतगिरि
जानायनि बांसिन भटआ 270।
बिसायख 'थि फोसावदिनि
समाव डनाल्ड ट्रम्पआ आइन
बेरेखायै थानाय रिफिजिफोर,
फालांगि आरो बेसेन बांनय,
रंखाथि आयदाखौ गावनि
गाहाइ आयदा खालामदों।
बाइडेननि खाथिफोर आरो

बैसोखौबो हाथियार बायदिनो
बाहायो। ट्रम्पनि बे खाथि
खामानियाव होयो। फारसेथि
कमला हेरिसनि फोसावदिनाया
आवहावा, एभर्सन आरो
एलजिबिटिकिउनि सायाव
बांसिन नोजोर होनायमोन। बे
आयदाफोराव बांसिन भट
होग्राफोरा नोजोर होयाखै।
निउयर्क टाइम्सनि सार्भेआव
डनाल्ड ट्रम्पखौ देरहागोन
होन्ना हमदांखानाय
जादोंमोन।

डनाल्ड ट्रम्पनि हाज्जायाव निक्की हेली आरो बारग' मन्थि माइकआ जायगा मोनाखै

वाशिंग्टन, 10 नभेम्बर : निक्की
हेली आरो बारग' गुबुन हादतयारि
मन्थि माइक पम्पियन बिथांमोनहा
डनाल्ड ट्रम्पनि गोदान हाज्जायाव
बाहागोयारि जानाय नड। मानोना
बिथांमोनो सरकारव बाहागोयारि
जानायनि हांखायलाइ दैथाइहरनाय
जानाय नड। बे बाश्राखौ गोदानै
सायख 'जानाय आमेरिकानि
हादतगिरि ट्रम्पआ बुंदों। डनाल्ड
ट्रम्पआ बुडोंदि, खोला
केरेलिनानि बारग' गभर्नरआ
निक्की हेल आरो बारग' गुबुन
हादतयारि मन्थि माइक पम्पिअखौ
फिन हाज्जायाव थाफानो थाखाय
हांखाय हरनाय जागोन। डनाल्ड
ट्रम्पआ गावनि सशेल मिडिया
प्लेटफर्म टुभ सशेलआव बेखौ
फोसावो। निक्की हेलिया
इउएनआव आमेरिकान थान्दै
महैरौ खामानि मावखांबाय।
जर'खा बाश्रादि, बिथाडा बे



बोसोराव रिपब्लिकान
प्राइमरियाव डनाल्ड ट्रम्पनि
हें थारै बिसायख 'थि
बादायखांबाय। अदेबानि
ट्रम्पआ निक्की हेली आरो
माइक पम्पियनि खामानिखौ
बाखायदों। मख 'जाथावदि,
फँगौ बोसोरनि जानुवारीआव
डनाल्ड ट्रम्पआ आमेरिकानि

हादतगिरि बिबानखौ
आजावगोन। थानाय सप्ताहआव
निक्की हेलीआ वाल स्ट्रीट
हेफाजावब हेलीआ लिरदोंमोन
आं ट्रम्पखौ खेबफ्रोमबो 100
जौखोन्दो गनायथाव मोना।
नाथाय बांसिन समावो बिथांजों
गोजोनयबो मोनो। गुबुन

फारसेथि कमला हेरिसनिफ्राय
जेब्लाबो गनायथावै एबा
गोजोनय मोना। बेनिफ्राय
थांखि लानायाव गोरलै जाना
फैयो। माइक पम्पिअया
हादतगिरि बिसायख 'थिनि
समावो उदाडै ट्रम्पखौ
हेफाजाव होदों। बिथाडा

ट्रम्पनि गोखों
हेफाजाबगिरिफोरनि गेजेराव
सासे। थानाय 5 नभेम्बराव
ट्रम्पआ कमला हेरिसखौ फेजेना
हादतगिरि बिसायख 'थियाव
गोखोडै देहसासनो जायो। बेयो
ट्रम्पनि नैथि देहसासनो।
बिसायख 'थियाव देहसासनो
उनाव ट्रम्पआ गावनि गिबि
थिसन्थाइ फारिलाइयाव
विल्सखौ हवाईट हाउसनि चीफ
अफ स्टाफ महैरै थिसनो।
विल्सआ बे मासियाव
थिसनजानाय गिबिसिन
आमेरिकान आइजो जागोन।
सायख 'जानायनि उनाव हेलीआ
ट्रम्पजों खामानि मावनै गावखौ
जोबोद गोगानाय मोनगोन
होना गासिबो थांखिफोरा
मोजाडै जाफुंलानायनि आर'बो
खालामो।

डाउनिं स्ट्रीटआव खुंनय दिवाली पार्टिआव ब्रिटिश हिन्दुफोरा जाग्रा आदारनि मेनुखौ लानानै रागा जौखांदों

गोदान दिल्ली, 10 नभेम्बर:
ब्रिटेननि गाहाइ मन्थि कोर
स्टारमार्जों खुंनय डाउनिं
स्ट्रीटआव मोनसे दिवाली
पार्टिआव बेदर आरो जौ होनायनि
उनाव माखासे ब्रिटिश हिन्दुफोरा
रागा जौदोंमोन। गाहाइ मन्थिनि
मावख'आरि न'आव खुंनय
फालिथाइफोराव हारिनि
दैदेनगिरिफोर आरो गोजौ थाखोनि
राजखाथिगिरिफोरा बाहागो
लादोंमोन, जेराव बाथि सावनाय,
कुचिपुडी मोसानाय दिन्थिफुंनय
आरो स्टारमार्जि बिबुथि दंमोन।
माखासे ब्रिटिश हिन्दुफोरा बेखौ
नुनानै गोमोदोंमोन दि, बिसोरनि
मोनानि जानायाव जौ आरो ना-
बेदरनि जांफुंफोर दंमोन। रिपर्टनि

बायदिब्ला, आलासिफोरनो
बोरमा मेन्दिनि कबाव, बियार
आरो जौ होनाय जायोमोन।
सासे ब्रिटिश मुंदांखा हिन्दु
पन्डित, सतिश के शर्माआ
गाहाइ मन्थिनि मावख'खौ
"सांघ्रांथि गैरै आरो गोरलै
सुबुरुनि आंखाल" होन्ना
दाय होदोंमोन। आथिखालाव
फ्राय 14 बोसोर सिगानिफ्राय,
डाउनिं स्ट्रीटआव दिवाली
फालिथायफोरखौ बेदर आरो
जौ गैयाजासे फालिनाय जायो।
आं दुखु मोन्दों आरो जोबोद
सोमोनादों दि, बे बोसोरनि
फालिथाया बेदरजों थुलुंगा
होजानाय फुलफुफ हाबाफारि
बायदि नुयो। गाहाइ मन्थिनि



बोसोनगिरिफोरा एसेबो सांघ्रां
नड नामा? बेयो मोनसे
दुखुंनय जाथाय। आं नोंथानो
खोन्थानो होयो दि, बिथाडा
एक्सआव पस्ट शोयार
खालामनाय मोनसे भिडिअ'नि
बिबुथियाव बेफोर गासैबो
बाश्राफोरखौ बुंदों। जुदि बेखौ
हरखाबै खालामनाय जायोमोन,

अब्ला बेयो आरोबाव बांसिन
निराशाबादिमोन आरो जुदि बेयो
गोसोजानानैमोन, अब्ला गाहाइ
मन्थिआ ब्रिटिस हिन्दु हारिनो
मोनसे खौरां दैथायहरदोंमोन।
बेजों लोगोसे शर्माआ बे
आयदायाव बिबुथि होनो थाखाय
ब्रिटेननि गाहाइ मन्थिनिमिसम
नटिसबो दैथाय हरदों। ब्रिटिस
हिन्दु आरो भारतआरिफोरनि
मोनसे समाजारि सोमासारनाय

एनसाइट इउकेआ बुंदोंमोन दि,
'गोथार फालिथाइया बेदर आरो
जौजों गात्रि जादोंमोन' आरो
10 डाउनिं स्ट्रीटनि
मावख'गिरिफोरखौ धोरोमारि
आवेगनि सायाव बोसोन होनो
जासिदोंमोन। मोनसे अनलाइन
पस्टआव बुंनय जादों दि,
मेनुनि सायख 'नाया दिवालीजों
सोमोन्दो थानाय धोरोमारि
दोरोंफोरनि फारसे बुजिनय
एबा सन्माननि जोबोद
गिख'थाव आंखालखौ
दिन्थियो, जाय इयुनि
हाबाफारिफोरनि थाखाय
बांसिन साननो
खावलायदोंमोन। डाउनिं
स्ट्रीटआ दासिमबो बे
आयदानि सायाव फिन्नाय
होयाखै।

गोदान दिल्ली, 10 नभेम्बर :
बांलादेशनि बारग' गाहाइ मन्थि
शेख हासिनाया हादत नागरनाय
3 दान जालानायनि उनाव
अवामि लीगआ रबिबारआव
ढाकायाव मोनसे गोखों हेंथा धर्ना
खालामो। हासिनानि पार्टीनि
हेफाजाबगिरिफोर आरो
दैदेनगिरिफोर गावसिनि पार्टीनि
दैदेनगिरिफोरखौ गात्रि रोखोमै
खैसाराव खोखलैनाय, फरायसा
विंगआव होबथानाय आरो एएल
मावफारियाफोरखौ जेनायाव
खोखलैनायनि थाखाय आवामि
लीगआ हेंथा धर्ना खालामो।
बांलादेशआव शेख हासिनाखौ
गाहाइ मन्थि बिबान नागरनो
थाखाय गोखों नारसिनायनि
उनाव बिथाडा बिबान नागरना
हादतखौबो नागरदोंमोन। बै
समनिफ्रायनो हादतआव गोखों



दावराव-दावसि नुजाथिनया
जोबनानै थाडाखै।
हाशिनाना हादत
नागरनायनि 3 दान उनाव
बिथांनि पार्टी आवामि
लीगआ दिनें ढाकायाव
गिदिर धर्ना खालामनो
फोसावो। जायखौ नोजोर
होना अन्तरिम युनुश सरकार
सांथिगिरिफोरखौ लामा-
लामा थिसनो। बेनिफ्राय

धर्ना खालामनायनि सिगांनो
सांथिफोरा गोबां
मावफारियाफोरखौ हामो।
आवामि लीगनि हाज्जायै
आंखासाराव आरो हेंथा धर्नाखौ
होबथानो थाखाय सरकार
सांथिनि मोन 191 हाज्जाखौ
थिसनो। फारसेथि बिएनपि
आरो जमातआ अवामि
लीगनि धर्नानि थाखाय
गनायथि होनो नेवसियो।

दिल्लीनि 10 रोजा सिभिल डिफेन्स भलन्टियारफोरखौ थिसन्थाइनि गनायथि होबाय



गोदान दिल्ली, 10 नभेम्बर :
गासैबो दाय जाबसिन्नाय, अजद
होनायनि उनाव जोबथारनायाव 10
रोजा सिभिल डिफेन्स
भलन्टियारफोरनो फिन खामानि
होनायनि हाबाफारिया
जागायसिगोन। समबारनिफ्राय
बिसोरखौ थिसन्नायनि
हाबाफारिया जागायगोन। गिबि
मन्थि आतिशआ शनिबाराव बे
प्रफजेलखौ गनायथि होयो।
बिथाडा फोरमायोदि, सप्ताहसेनि
गेजेराव सिभिल डिफेन्स
भलन्टियारफोरा डिडिटिआव
फैफिनसिगोन। गिबि मन्थिया
बुंनयवोदि, दिल्ली सरकार बिसोर
10 रोजा सिभिल डिफेन्स
भलन्टियारफोरनि थिसन्नायखौ
गनायथि होयो आरो आवहावा
गेब्रेनयनि हेंथायै दावहायाव बिसोर

4 दान गाहाइ बिफाव
लागोन। दिल्ली सरकार
थाबैनो डिफेन्स
भलन्टियारफोरखौ अरायथा
महैरै थिसन्नायनि प्रपजेलखौ
लेडाइ राइज्यो बे'गिरिनो
दैथाइहरो। नाथाय जेब्लासिम
बिसोरखौ अरायथा थिसन्नाय
जायो अब्लासिम फेबुवारी
दानसिम गेब्रेनयनि हेंथा
दावबायनायाव बिसोरखौ
थिसन्नाय जागोन। गिबि
मन्थिआ बुंनयवोदि, गेब्रेनय
हट स्पटखौ नोजोर
लाखिनायनिफ्राय लानानै लांदां

जायगाफोराव दाखोर-दाला
सावनायफोरखौ होबथानो आरो
अजद होनायफोरनि
फलआपआव सिभिल डिफेन्स
भलन्टियारफोरनि बाहागोयारि
जानाया मख'जाथाव जागोन।
बिसोर कन्सट्राक्सन बेस्ट
मेनेजर आरो बेनिफ्राय बिरफुंनय
हादिरखौ होबथानाय, डिजेल
जेनेरेटरखौ आइन बेरेखा
बाहायनायखौ होबथानायनिफ्राय
लानानै गिन दिल्ली एपआव
मोन्नो हानाय अजदफोरखौ
फल'आवबो खालामनो।
समबारनिफ्राय बिसोर सिभिल
डिफेन्स भलन्टियारफोरनि कल-
आउट नटिस फोसावनाय
जागोन आरो बेनि उनाव बिसोरो
गुबुन-गुबुन डिफेन्स
मावख'फोरव थाना गाव-गावनि
रेजिस्ट्रेशन खालामनो हागोन।
रेजिस्ट्रेशन खालामनायनि 2-3
साननि गेजेरावो बिसोरखौ
थिसन्नाय जागोन।

पान्जाब पुलिसआ गेस्टार अर्श डल्लानि सानै सोद्रोमाफोरखौ हाथियारजों लोगोसे हमदों

छन्डिगड, 10 नभेम्बर: पान्जाब
पुलिसआ मोनसे गिदिर जाफुंसार
हाबाफारि मावफुंनय कानाडायाव
थानाय गेस्टार अर्श डल्लानि सानै
गाहाइ सोद्रोमाफोरखौ हमदों।
बिसोर दुथांफोरा फरिदकटआव
गुरप्रीट सिं हरि नाउखौ
बुथारनायाव दंफायोमोन।
पान्जाबनि डिजिपि गौरभ
यादबआ रबिबारखालि ससेल
मिडिया प्लेटफर्म एक्सआव बेनि
खौरां होयो। नायबिजिनारायाव
मिथिनो मोन्नाय बादिब्ला,
दायनिगिरिफोरा डल्लानि बिथोन
होनायाव 7 नभेम्बरखालि मन्थि
प्रदेशनि गवालियरआव जसबन्त
सिं गिलखौबो बुथारदोंमोन। दाय
मावनानै बिसोर सानैबो
पान्जाबआव गिदिलीफिनो, जेराव
बिसोरखौ खरडुनि साखाथिनिफ्राय
हमनो मोनो। बिसोरखौ हमनो
मोन्नायै राइज्योआव जाबावनो



गोनॉ टार्गेट किल एबा
बुथारनायखौ होबथानो हानाय
जादों। हमजानाय
दुथांफोरनिफ्राय मडनं वेफनबो
बोखांनो मोनो। थानाय 8
नभेम्बरआव आइन बेरेखा
स्मागलिं नेटवर्कआव गिदिर
खहा जायो, जेब्ला काउन्टर
इन्टेलिजेन्स (सिआइ)

अमृतस्वरनि मावफारियाफोरा
पतुंगालआव थानाय गेस्टार मनप्रीट
सिंह आरो मन्नु घनश्यामपुरियानि
सानै सोद्रोमाफोरखौ हामो।
बेनिफ्राय आमेरिकानि गाहाइ
क्रिमिनेलफोर बलबिन्दर सिं
आरो प्रभदिप सिंजों बिसोरनि
सोमोन्दो थानायखौ मिथिनो
मोनो। हमनो मोन्नायफोरखौ

अमृतस्वरनि लाहरी गेटनि
थागिबि आदित्य कापुर आरो
गुरदासपुरनि अकपुय गामिनि
थागिबि रबिन्दर सिं होन्नायै
सिनायथियो। पुलिसआ
बिसोरनिफ्राय गं 4 हाथियार
बोखांनो मोनो, जेराव गंसे
मडनं 9 एमएम ग्लक
पिस्टल, गंनै गुबुन हादरआव

बानायनाय .30 बर पिस्टल
आरो गंसे .32 बर पिस्टलजों
लोगोसे गं 5 मेगजिन आरो
मोन 14 कारतुसआबो दंफायो।
डिजिपिआ फोरमायोदोंदि,
मोनसे संगालि खौरांखौ बिथा
खालामनानै पुलिस हाज्जानि
अपारेसन खालामनायाव
अमृतस्वरनि मवेशी बाजार
साखाथियाव मेहता रडआव
मोनसे जर'खा चेक पस्ट
खालामनानै मथरसाइकेलजों
फै बाय थानाय समाव
दायनिगिरि सानैखौबो हमनो
मोनो। कापुरनि हेंथायै मोन
12 क्रिमिनेल केस थिसन्नाय
दडआरो बियो आमेरिकायाव
थानाय क्रिमिनेल भलबिन्दर
सिं एबा डनि बल आरो
प्रभदिप सिं हनि बिथोन
हरनायाव कामानि
मावगासिनोमोन।

किशतवाइआव उदखारिफोरजों मोगा मोगि गावलायनायाव जेसिअनि जिउ खहा, सा 3 रौनियाफोरनि जोखोम

श्रीनगर, 10 नभेम्बर:
जन्मु-काश्मीरनि किशतवाइ
जिल्लानि मोनसे गोथों हाग्रा

ओन्सोलआव उदखारिफोरजों
मोगा मोगि गावलायनायाव
सासे रौनियानि जिउ खहा जायो
आरो साथाम रौनियाफोरा
जोखोम जादों। मावख'आरिआ
फोरमायनाय बायदिब्ला, रौनिया
हान्जानि जर'खा रौनियाफोरनि
सासे जुनियर कमीशन्ड
अफिसार (जेसिअ) आ
रबिबाराव जिउ खोमायो। सानै
भि.डि.जि. बुथारनायनि उनाव
गोखों नागिरनायनि गेजेरावो
अपारेसना जादोंमोन। मुंख्लं
जानाय जवाननि सिनायथिखौ



2 पेरानि नायब सुबेदार राकेश
कुमार होन्ना मिबथिनय जादों।
भारतआरि रौनिया हान्जाया
बिथांमोननि जौसिन
बावसोमनायखौ मान बावदों।

एनकाउन्टरआ फुनि 11:00
रिंगासोआव जागायदोंमोन।
जथाया अपारेसननि समाव
पुलिस आरो रौनिया हान्जानि
जवानफोरा उदखारिफोरखौ

केशवान हाग्रायाव होबथानोमोन।
बिसोरो बै जायगानिफ्राय माखासे
किल'मिटार गोजानाव दंमोन,
जेराव भि.डि.जि नजीर अहमद
आरो कुल्दीप कुमारनि गुलिजों
बुंफननाय गोथै सह' मोन्नाय
जादोंमोन। उदखारिफोर जों
भि.डि.जि.खौ लांखारनाय आरो
बुथारनायनि उनाव बृहस्पतिबानि
मोनाबिलियाव कुन्तवाडा आरो
केशवाननि हाग्रायाव मोनसे
गिदिर नागिरनाय हाबाफारि
जागायदोंमोन। उदखारिफोर
थानायनि सोमोन्दैथि इन्टेलिजेन्स

इनपुटनि सायाव बिथा
खालामनानै किशतवाइनि
भारत रिजनि सरासनखा
ओन्सोलाव रैखाथि हान्जाजों
मोनसे जथाय अपारेसनअ
ज। ग। य. द.े. म.े. न.।
मावख'गिरिफोरा बुंदोंमोन दि,
गिबि एनकाउन्टरआव सासे
जेसिअजों लोगोसे साब्रे रौनिया
हान्जानि जवानफोरा जोखोम
जादोंमोन। बिथांमोनखौ देहा
फाहामसालियाव लांनय
जादोंमोन, जेराव बिसोरनि
गेजेराव साथामनि अबस्थया

खैफोद गोनां होन्ना बुंनय
जादोंमोन। जे.सि.अआ
फाहामथायनि समाव जिउ
गोमायो। भारतरि रौनिया हान्जाया
नायब सुबेदार राकेश कुमारनि जिउ
बाडनायखौ मान बावदों। जों दुखु
मोन्नाय नख'रजों गसंफदों। बेखौ
बुंनय जादों दि, ओन्सोलाव
साथामनिफ्राय साब्रे उदखारिफोरा
थावथानां दं। मावख'गिरिफोरा
बुंदों दि, जेब्ला जोबथा रिपट
मोनदोंमोन अब्ला मोनसे गिदिर
नागिरनाय हाबाफारिया
सोलिगासिनो दंमोन।

Job Vacancy

International Standard Certified
Company आव गोदानै दालाइसा मावख' (Branch Of-
fice) सामलायनो थाखाय सा 65 हिन्जावसा आरो हौवसाफोरनि
गोनांथि जादों।
रोग थि: बिजाथिआ मेट्रिक एबा ग्रेजुएट जानांगोन।
बैसो: 20 निफ्राय 35 बोसोरनि गेजेराव जानांगोन।
आर्जिनय: 10,000, 16,000, 20,000 आरो 30,000 मासिखौ
लानानै जागोन। बेसेननाडै थानायनि खाबु दड।
फोनंजाब: 7576048778, 7002632599 (कराझार)

जोबोद समायना नाथाय रहस्य गोनां मुलुगनि दरसे हादत

मुलुगनि हादतफोरव गावबा गावनि मख 'जाथाव आरो गुण गोनां जायगा एबा सम्मतफोर दड। खायसे हादतफोरा दावबायथाव जायगा थानायनि थाखाय मुंदांखा आरो जौगाखानाय। फारसेथिं माखासे हादत दड, जेराव गुबुन हादतनिफ्राय रवबो दावबायनो थाड। बिब्दि हादतफोरनि गेजेर सा-करिया, तुर्कमेनिस्तानआ मख 'जाथावसिन। सा करियानि बाध्रा बुडोब्ला बे हादतखौ रहस्यजौं बुंफबनाय हादत होनायबो जायो। अदेबानि बेयाव जेबो होबथानाय गैया, नाथाय रावबो दावबायारिया बेयाव थाड। दावबायथावना गोबां जायगाफोर दडब्लाबो रावबो टुरिस्टखौ नागिरना मोनाय नड। बे हादतआ जोबोद समायना, गिदिर-गिदिर बिल्डिंफोरबो दड। नाथाय गासै मुलुगनिफ्रायबो बे हादतआ आलादायै थायो। जाउनाव मुलुगनि बांसिन सुबुंफोरा बे हादतनि बागै मिबथिया। बे हादतआनो जादौं तुर्कमेनिस्तान। बेयो 1925



निफ्राय 1991 माइथायसिमाव सभियेत संघनि बाहागोमोन। बेयावनि थागिबिफोरनि 60% सुबुंफोय तुर्किस। तुर्कमेनिस्ताननि राजथावनिया अशगाबात, जायनि ओंथिया जादौं अनलायनायनि सहर। तुर्कमेनिस्तानआव सुबुंफोर थांनयाव होबथानाय गैया, नाथाय बेयाव भिजा राहाया ओरैबायदि जेना गोनांदि, बांसिन टुरिस्टआनो बेसिम सौहेनो हाया। बेखौ गोबाव समसिम मुलुगनि गुबुन हादतफोरनि थाखाय बन्द'

खालामना दोनाय जादौंमोन। बेनि जाहोनावनो आथिखालावबो जोबोद खम सुबुंफोरा बेयाव थाडो। मुलुगनाडै गोसारनाय गिखंथाव करना इन्फेक्सननि समाव तुर्क मेनिस्तानआव हाबनोब्ला गोदान करना टेस्ट रिपर्ट दिन्थिनंगौ जायोमोन। मख 'जाथावदि, बे राहाया बेयाव दासिमबो सोलियो। बे हादतआव सना आरो बेसेन गोसा धातुजौं

बानायनाय जौं गा-मागा बिल्डिंफोर दड। नाथाय बेफोरखौ नायनो रावबो गैया। जाउनाव 5-6 रोजा रांजौंनो बैयावनि मेहेल बायदि हटेलआव थानायनि सुबिधा मोनो। फारसेथिं तुर्कमेनिस्तानआव सुबुंफोरा गाव-गावनि बाध्रा बुंथिनो आरो बेरायदिनायनि उदांसि गैया। बेयावनि थागिबिफोरा दे, मोब्लिव आरो गेसखौ बेसेन होनाडलासे मोनो।

रंजालि गथ'फोरनि सौरा

गोजा गलाब बिबार

फालगुन दाननि जावलिआ बाराव। सानस'नो हायै लाइमोन बैसोआव गुवार गोसोनि अन्याय लानानै मोजां मोन्दोमोन रजे आं नोंखौ जेब्ला। अब्ला, नों आंनि बायराब देरानि लोंगोनायाव बारदोमोन सानसोनि गोजा गलाब बिबार। दिने बै गोजा गलाब बिबारा बहा ?... ? नाथाय, नोंदि बै सिखिफोरनि गेजेरावसो बारहेनानै दं। आंनि बेसेबा गोजानावसो.....। नों, मोदोम जायाखैथ', सिखिफोरजौं बिदै सोबजानो। बिबिदिनो, रजे नोंखौ आ हास्थायदोमोन मोकथांआव। नाथाय नोंदि बावगारलांबाय अब्लाबो आं नोंखौ गोबांजौं मोजां मोन्दोमोन... जाफुं होनो थाखै..... नाथाय सानाखेमोन सौं रजे आंनि अन्यायकौ सैथो गोथार होना। जाउनाव जानांबाय आं दिने लोंगो गोमाजानाय दाउसा माउरिया बिदिब्ला रजे बुं बै समनि अन्याय बेसेन गैयामोन नामा। जानो हागौ आंदि गोरोन्थि खालामबाय बिनि थाखाय नों आंखौ नेवसिगारनो हागौ। नाथायय, नोंबो इसेबां गिदिर समाय लानायखौ गियाखैसै। ना नों समायखौ फिसा होनानै सासनबाय नामा। ना फालगुन दाननि थिं थिं सानुं दुनायाव रानज्रलानो हमबाय नामा बै गोजा गुलाब बिबारा।

बेनिजन बरग'यारी।
जिल्ला- बडाइगाव, बि.टि.सि., आसाम

जौनि बर' बिमा

ओइ बर' हिनजावफोर ओइ बर' हिनजावफोर। गावनि हारिखौ गारनानै लाबाय नोंसोर गुबुन हारिखौ। सोगाबबाय नोंसोर बर' बिमाखौ, सोर हुगार बावनो बर' बिमानि मोदेखौ? जानांबाय हनै बर' बिमाया खुगायाव खुदै मेगनाव मोदै लानानै आनि-थानि। फेदो बर'फोर खौसेयै जौं गावनि हारिखौ लाबोदिनि जौं बर' बिमानि मेगननि मोदैखौ हुगारदिनि। बर' बिमानि दुखुजौं साग्लोबनानै थानाय गोसोआव खौसेयै जौं सुखु लाबोनि। बर' बिमानि गोसोखौ रंजा होनि। फेदो बर'फोर फेदो खौसेयै आवगाय बोदो। खौसेयै जौं हारिखौ गोजौआव दैखौदिनि। फे बर' फिसाफोर फे।

थरायना सोमजिला बसुमतारी
कासिया बारि गोजौं फरायसालि

“मोदै”

फुगारनो आं माजौं होबथानो आं माबोरै बुरलुंबुथुरनि रा-रा बोहेनाय दै दाहार बायदि बे आंनि थायनै मेगननिफ्राय ग'नाय जौंथि मोदैखौ। दुखुथिया बे आंनि जिउआ मोदैनि अनगा आंहा गेलनो रावबो गैया। मोदै नों आंनि जिउनि लोंगो। हाजासे नागिरबाय आं सुबुंनि संसाराव सुखि जिउ, नाथाय गैया, सुबुंनि जिउआव सुखुनि मोदै,

नुबाय मिथिबाय आं सुखुवा नागिरनानै मोनाय जिउद नड।।।

श्री पदमधर ब्रह्म
ला:सो:- नायेकगौव
जिल्ला:- कक्राझार

फैमाल थांबाय

फैमाल थांबाय आं आरो नोंनि मोजां मोनाया। जाथाय गावखौनो गाव आं जेबो बुजिनो हायाखिसै, नाथाय नोंदि आंखौ जोबोर मोजां मोनदोमोन। नाथाय आं नोंनो अन्याय आरो मोजां मोनायखौ नोंनो होजोबबायमोन। नाथाय नों आंखौ नागरनायाव आं जोबोर दुखुबो जादौं। नाथाय आंखौ दा नों हास्थायब्लाबो मोनाय नंला नाथाय दा आंनो रावखौबो नंला नोंजौं गारजानायनि जुनै सना। नाथाय नों आंखौ गारनायाव पाप नांबाय। आरो नों आंनि लाइजामाव इन फजिबोल लिरनायाव आं गावनो ओंखारदौं।

श्री दैदेन ब्रह्म
फरायसालि- भावरागुरि बिन्धा
गामि- कफरागाव, ला:सो:- कमलसिं

नोंनि थाखायनो

आसा नोंनि थाखायनो गोजोन गैला आंहा। नों मानो आंखौ मिथिया नों मानो आंजौं एरा-एरा। नोंनि बेबायदि आखलावनो जाबाय आं बोदोर बावलि। राइप्लायनो सानो आं नोंजौं आंनि गोसोनि बाध्राखौ। नाथाय नोंदि आंनो गुमुरखौनो होआ। आं सानो आंनि अन्यायखौ नोंनो होनो। नाथाय नोंदि गुमुर होआ। नोंनि थाखायनो जाबाय आं उसु-खुधु उसाव-बादाव नाथाय नों मानो आंखौ मिथिया? नोंनि बेबायदि आखलावनो जाबाय आं दिने फागला नों मानो बुजिया नों मानो मिथिया? जाबाय आं नोंनि थाखायनो खाराव-माराव। जानो लोंनो खहाबला नोंनि थाखायनो उन्दुनो ओंखारला नोंखौ सानै-सानै सान हर। आसाया मानो दुखु नांथाव आखल दिन्थियो आं नोंनि गोबांनि अन्यायखौ अरायबो मोनो लुबैयो। आंनो आंनि अन्यायखौ सिरि सिरि बोनो होदोमोन आसा नाथाय नों आंनो गुमुर होआ। गोसो खौसे अराय नोंखौल' हास्थायसै अराय नोंखौल' नोंनि थाखायनो जासै आं एखनबा गोसो खाना मोदैनि बाना।

श्री दिदोम नाजारी
गामि:- सारागुरी

आफा प्रभु

उजि फैबाय आं माया पुरीआव, न'वा आंनि सैथो पुरीआव। मुछ आंनि मिथ्या जातिया आंनि अदैथ्य॥ आफा! आं माखौ सोलोगोन, आं माखौ फोरोंगोन। आं मोनथिगोन। आंनो माखौ बुंगोन॥ आफा! नोंनो यन्त्री आं यन्त्र! आं र'थ, नों र'थी॥ जायखौ नों मावहोयो, आं बेखौनो मावयो। नों जायखौ बुंहोयो, आं बेखौनो बुंयो। आं जेबो नड आफा; गासैबो नोंनो “आफा प्रभु”॥

बुधदेव नाजारी
गामि-स'नापुर (एलेमारी)
ला:सो:- दुमबि गुरी (द'तमा)
जिल्ला-कक्राझार बि.टि.सि.आसाम।

नोंनि सावगारि

नोंनि गोदे मिनिखैरोये मिनिनाय मिलौहाब रैसुमै देखोनि रायज्जायनाय आंनि गोसो फेसालियाव सिमां-मोगथां गोसो अरनाव नुजाफैयो सना ददेरे गले गले नोंनि सावगारि। नोंनो आंनि गोदै सिमां थिनाय मिजिनि बेसे आंगो जिउ फेसालिनि सायखं गोसो अन्दरनि दरखं जेराव नोंनि अनसुलि महरा नुजाफैयो आंजौं गासै हराव लुनानै दोनाय सनानि देरायाव। नोंनि सावगारि बेसे समायना आंनि मेगननि नोजोराव बेसे हायना नोंनि अनसुलि आखुआनो बरायबाय नोंनो आंखौ बावनो हायि खालामबाय सानखि हर गोसो फेसालियाव नुहां-नुवाहां गोसो अन्दराव जाखारफैयो खालि नोंनि अनसुलि महर नुजाफैयो जेरावबो नोंनि रोखा सावगारि।

मुसि जौंसार रामसियारि
ला:सो:-मुसलपुर
जिल्ला-बागसा बि.टि.सि.

बुंनंगौं नोंनिसिम

अब्ला नों बुंनंगौंखौ नों आसुं आबुडै आंनो आंनि बुंनंगौंखौ आंनो बुंनानै फिन बिदाय समाव। नोंनि गुरै गुरिस्थिखौ आंनिजौं गोरोबफा होनानै नों आंखौ खुदुमोब्ला बुहुमाव मोनो थाडै। सोरगोयाव हानाय अमृत बिदैनि आखायाव आंनावबो नांनय बायदि बेसेदि गोजोन सुदेम मिलौहाबनाय जौंनि अन्याय मोजां मोनज्जायनायाव नाथाय मिथिआ रजे समनि फखनाव बिदिन्थानि गेले होनायआ मा खालाम लाडे जौंनि इयुन जीउनि दैथुम आं अरायबो आरजगाबो रजे अबनि सेराव नोंनि आरो आंनि इयुन जीउनि गोजोनखौ रजे.....।

जनकलाल बसुमतारी
गामि- काइ मारी
ला:सो:-काइ मारी
जिल्ला- कक्राझार बि टि सि आसाम।

जाबाय आं दुथामि

आंनि जिउनि हाहाहोगिरि अनजालु आन्जालि, बिफा बिमाफोर गावसोरनि गोसो गोबांआव हाजासे, गोथार मिजिं लानानै दोनहरदोमोन, दिने आंखौ टाउन-सहराव, स्कुल, कलेज फरायनो। बुरलु बुरला खालामनानै गावसोरनि बिखानि थैखौ दै खालामनानै, हरदोमोन रोजा रोजा रां गावनि फिसानि नांगौ बादियै। नाथाय दिने मोनथिया हासिया, सहरनि गुदुं बारजौं बारफानानै गावनि सान्याय हनायखौ सोलायबाय, बिफा-बिमानि सान-इजोदखौ बावगारबाय। लिरनाय-फरायनायआबो जाबाय लैथोनि दै दाहारआव गोजावनाय खोमस्लिफानफोरा बायदि थांखि गैयै। सानफ्रोमबो सहरनि ग'लायाव', जौ, सिगारेट आरो थांखु सोबे -सोबे समखौ आं बारहोदोमोन। गावनि जौमोननि हाबिलासखौ सानहरनो सम आरो बोथोरआवो गैला आंहा, खालिबोल' नांगौ -नांगौ-नांगौ जौ, जुवा आरो सिगारेट। गिनाय, लाजिनयआबो गोमा जोबबाय, लामा सामा सिख्ता सासेबो बारग'लिया.... हाय! आं मादि मावफोनांखो.... थारेनो जाबाय आंनो सासे दुथामि।

मुसि प्रफुल्ल नाजारी।
ला:सो:- दटमा।

दिखारनि हांमा

आंनि जीउनि सिमानि मोदाय बिखायाव थानानै नों दुखु दाहा होयो मानो, हायनारी? आखाय फोलाव फोलाव लिंहरो नों अनसुला खालामो। जीउ आरो सिमानि आबि सारफावनो फैलाव बाला बारीनि बारा बारफिननो नोंनि बिखायाव जेब्लाबो उनफलेनो हाया, सहायनो हायै बारनि जेथोआव, गोदान जीउनि गोहो होफिननो नोंनि गोसोनि साननायखौ जाफुं होनो हालिया जादौं नोंहा दुखु मानि दिखाराव हांमा। जादौं नोंहा दाहा मानि हांमायाव गोदोनि बाध्रा जवान बान्था नाथाय नों। सानै नों बाध्रा राइज्जायनायनि, सिमानि मोनसे देरा लुनायनि देखो बोनायनि सावगारीयाव मिजिं गैयै लामा दबथायाव।, सान्दो दासो हारसिडै हायनारीया सिरि सिरि इयुन मिजिं गोगोमै गान्थि खानो।

रनदा बसुमतारी
गामि- कात्रीबारी
ला:सो:- रुणी काता।

बिएसएफआ दासिम सा 52 दालाल, सा 623 बांलादेशि आरो र्हिंग्याफोरखौ हम्बाय

आगरतला, 10 नभेम्बर: त्रिपुरायाव थिन्नजानाय सिमना रैखाथि हान्जा (बिएसएफ) आ सोलिफु बोसोरनि दासिम एबा 9 नभेम्बरसिमाव सा 623 बांलादेशि नोगोरारि आरो र्हिंग्याफोरखौ हम्बाय आरो राइज्योनि सा 52 दालालफोरखौबो जिम्मायाव लादों। बिएसएफआ मोनसे फिन्नायाव बुडोदि, त्रिपुरा सान्जा बिसायख थि बियाबनि एमएलए महारानी कृति सिं देबर्बमाआ आगरतलानि सालबागानाव थानाय बिएसएफ मावख'आव दावबायहैदों। बिथाडा बिएसएफ त्रिपुरानि आइजिपि पाटेल पियुष पुरुषन्तम दास, आइपिएसजों लोगो हम्बाय आरो सिमनाजों



नांजाबनाय राइज्यो त्रिपुराजों लोब्बा गोनां गुबुन-गुबुन आयदाफोरखौ लाना गुवारि सावरयो। आइजिआ एमपिनो आथिखालनि रैखाथि राहा आरो बिएसएफआ आजावनाय

गुबुन-गुबुन सांघां राहाफोरनि बागै खौरां होयो। लोगोसेनो बिथाडा एमपिनो फोथायनाय होयोदि, बिएसएफआ बांलादेशिआव नुजाथिनाय थासाखिखौ नोजोर होना रैखाथि

सेलेन्सफोरजों मोगा-मोगि जानायनि थाखाय आबुडै थियारि आरो बिएसएफनि जवानआ इन्टारनेसनेल सिमनायाव एलार्ट जानानै दड। बिथाडा बुंवावोदि, 2024 आव

बिएसएफआ सिमना बराना भारतआव हाबनो गोबां नाजानायफोरखौ होबथादों आरो फेलें जाहोदों, जेवव दासिम 571 निबो बांसिन बांलादेशि आरो सा 52 र्हिंग्याफोरखौ हम्बाय जाबाय। बिएसएफआ राइज्यो पुलिस, नोगोरारि खुंथाय आरो गुबुन हेफाजाबारि एजेन्सिफोरजों गुवारि गोरबना हाबाफारि मावदों। लोगोसे नो बिएसएफआ होबथाजानाय फेग्रा मुवाफोर आरो फेग्रा मुवानि स्मरिलिखौबो गोखौंसिने नायबिजिगासिनो आरो दासिम 87 कौटि रंनि मुवा आरो फेग्रा मुवाफोरखौ जड खालामबाय। जथुम्मायाव आइजिआ बिएसएफनि गुबुन-गुबुन हाबाफारि जेरै- सिमनाजों नांजाबनाय ओन्सोलनि लाइमोनफोरनि थाखाय थिसन्थायनि आबुं ट्रेनिं, गोथौ गामिफोरार मेडिकल केम्प, कौसल जौगाखां मिरुफोर गायसन्नाय आरो गेलेनायनि मुवाफोरजों लोगोसे गुबुन जिउनि गोनंथार मुवाफोर रन्ना होनायखौ बाखायदों।

निरज चप्राआ खोला आफ्रिकाआव 1 दानसिम प्रेक्टिसआव थागोन

गोदान दिल्ली, 10 नभेम्बर: पेरिस अलिम्पिकनि सिलभार मेडलिस्ट भारतनि जेभलिन स्टर निरज चप्राआ सोलिफु दाननि जोबनायाव खोला आफ्रिकासिम दावबायगोन। जेवव बिथाडा 31 सानसिम ट्रेनिं लाहैगोन। निरजआ फेगौ बोसोराव जानो गोनां इभेन्टफोरनि थियारिनि थांखिजों बे हादरसिम दावबायगोन। मानोना बिथाडा टकिय अलिम्पिकनि सनानि मेडेलखौ पेरिस अलिम्पिकआव रैखाथि होफिन्नायाव फेलें जादों। खेबनै अलिम्पिक मेडेल देरहानाय 26 बोसोरनि निरजआ जोबथा खेब थांनाय सेपेम्बर दानआव डाइमन्ड लीग फाइनालआव ओंखारदों। खोला आफ्रिकासिम दावबायनाय निरजनि ट्रेनिंआव जानाय खरसाखौ गेलेमु बिफानआ हरगोन। जायनि सायाव बिफानआ निरजनि थाबैनो ट्रेनिंनि थाखाय खोला आफ्रिकासिम दावबायगोनखौ रोखा खालामदों। लोगोसे बिथांजों दावबायनायाव फिजिय टेरापिस्ट थांफागोनखौ



फोरसायनाने बे समाव जानाय गासैबो ट्रेनिंजों सोमोन्दो थानाय खरसाखौ बिफाननिफ्राय होजोबगोननि खोथा होयो। निरजआ सिगां समावबो टकिय आरो पेरिस अलिम्पिकनि सिगां गोबां खेब खोला आफ्रिकानि पटचेफस्टुमसिम दावबायनाने ट्रेनिं लाहैबाय। बे खेबआवबो बिथाडा खोला आफ्रिकानि बे थावनिसिमनो दावबायगोन। 2020 नि जानुवारि दानआव निरजआ बै थावनिआवनो मोनसे इभेन्टआव बाहागो लादोंमोन। जेवव बे इभेन्टआव महामारि करना गोसारनायनि माखासे सान सिगांल' खुंजादोंमोन। निरजआ सोलिफु बोसोराव आखान्थिआव नुजानाय जेनाजों मोगा-मोगि

जानांसेयावबो पेरिस अलिम्पिक आरो डाइमन्ड लीग फाइनालआव ओंखारदोंमोन। जेवव सिजननि जोबनायाव बिथाडा डाक्टरफोरजों गावनि फाहामथाय लागोनखौ फोरमायदोंमोन आरो बे जेनानिफ्राय बार'नो थाखाय सार्जारि खालामजानो एबा गुबुन थिरांथा लानोबो गावनि थियारिखौ फोरमायदों। टकिय अलिम्पिकआव सनानि मेडेल देरहानायनि बोसोरथाम उनाव बिथाडा पेरिसआव सिलभारजोंनो गोजोननाडो। बिथाडा बावैसो सान सिगां जामाननि गावनि कच क्लस बाथ'नीटसजों रादाइखौ सिफायदों।

गाजायाव इजराइलनि गाग्लोबनायजों सा 9 आइजोफोरजों लोगोसे सा 17 सुबुनि जिउ खहा



जेरुसालेम, 10 नभेम्बर: गाजायाव इजराइलनि फोजोबस्त्रांनाया सोलिगासिनो थानाय सामावनो फिन खेबसेबाव इजराइला गाजानि देहा फाहामसालियाव गाग्लोबदों। बे गाग्लोबनाय जाथायाव फिलिस्टाइननि देहा फाहामसालिनि मावख'गिरिया बुडोदि, सा-गाजायाव इजराइलनि गाग्लोबनायाव सा 17 सुबुंफोर

थैदोंमोन। दीर अल-बालाह, 10 नभेम्बर (एपी) - गोथै सहखौ मोननाय खाथिसिन देहा फाहामसालिनि सामलायगिरिनि बायदिल्वा, रबिबारनि फुडव सा-गाजा स्ट्रिपआव जायगा सोलायग्रा सुबुंफोरखौ आश्रय होग्रा गंसे न'आव इजराइलनि गाग्लोबनायाव खमैबो 17 सुबुंफोर थैयो। गाजा नोगोरार

अल-अहली देहा फाहामसालिनि सामलायगिरि डा: फदेल नइमआ फोरसायदोंदि, थैनाय सुबुंफोरनि गेजेराव सा 9 आइजोफोरबो दंमोन आरो रैखाथिनि नाजानाया सोलिबाय थानायनि जाहोनाव थैनायनि अनजिमाया बांनो हागौ। बिथाडा बुंवावयो दि, जाबालियानि नोगोरारि रिफुजि बादायाव मोनसे न'आव

गाग्लोबनायाव गासैबो सुबुंफोरा थैदोंमोन, जेवव इजराइलआ से दाननिबो बांसिन समनिफ्राय गाग्लोबजागासिनो दड। इजराइलनि रौनिया हानजानिफ्राय जेबो बिबुंथि गैयामोन। इजराइलनि रौनियाफोरा थांनाय दानसेनिफ्राय जबालिया आरो खाथिखालानि नोगोरारि बेत लाहिया आरो बेत हनुनखौ बेंखनदोंमोन आरो आलादा खालामदोंमोन, जाय सुबुं अन्सुंथाइनि एसे बाहागोखौल' लाबोदोंमोन। रोजा-रोजा सुबुंफोरा खाथिनि गाजा नोगोरारि खरलांदोंमोन। गाजानि गासै सा-थामथिया इजराइलनि हा गाग्लोबनायनि गिबि थांखिमोन आरो 13 दाननि गोजाम दावहायाव बयनिखुइबो गिलरिसिन फोजोबस्त्रांनायमोन, जाय खोला इजराइलआव हामासनि गाग्लोबनायजों जागायदोंमोन। कतरआ गाजायाव दावहा दोनथ'नायनि नाजानायनिफ्राय गावखौ गोजान खालामदोंमोन आरो फिलिस्टाइननि हान्जा हामासखौ दहायाव गावसोरनि मावख'खौ बन्द' खालामनो थिनदोंमोन। कातार बेबादि खालामदों मानोना हामासआ गाजायाव इजराइलनि हम्बजानायफोरखौ हगारनो थियारि नड आरो दावहा दोनथ'नायनि सावरयनायाव मोनसे अखा आखु दिन्थिदों। हामासनि बिबानगिरिफोरखौ 2012 माइथायनिफ्राय कतारआव खामानि मावनो गनायथि होनाय जादों।

अलिम्पिक मेडलिस्ट अमेनआ नेसनेल रेसलिं सेम्पियनसिपआव ओंखारनो साखा-फारा

गोदान दिल्ली, 10 नभेम्बर: पेरिस अलिम्पिकनि बन्ड मेडलिस्ट अमन शेहयवतआ फेगौ 6-8 डिसेम्बरनि गेजेराव बेगालुरुआव खुंजानो गोनां सिनियर नेसनेल रेसलिं सेम्पियनसिपआव स्टावर गेलेगिरिफोरजों सेलेन्जआव ओंखारगोन। बिथांनि बाहागो जागोनखौ भारतीय रेसलिं फेडारेसिनआ रोखा खालामदों। अमननि अनगायै आन्डर-20 वर्ल्ड रेसलिंनि सेम्पियन अन्तिम पंगाल, 2019 नि वर्ल्ड सेम्पियनसिपआव सिलभार मेडेल देरहानाय दिपक पुनिया, आन्डर 23 वर्ल्ड सेम्पियन ऋतिका हुड्डा, अलिम्पियन सनम मालिक, राधिका, मनिषा बानवाला, बिपाषा, प्रिया, उदित, सिगम, सुनिल कुमार आरो नरिन्दर सिमाआबो सेलेन्जआव



ओंखारगोन। बे इभेन्टआ कर्मगला इन्डर स्टेडियमआव खुंजागोन। जेवव मोन 25 रैजिस्टार स्टेड इडनिटनि अनगायै आरएसपिफिबि आरो एसएसपिबिनिफ्राय सा 1000 निबो बांसिन बादायारिफोर आरो बिबानगिरिफोरा नुजाफेगोन। मख'नो गोनांदि, साक्षि मालिकनि फिसाइ सत्यव्रत कादियानआ बावैसो

सान सिगां बेन खालामजानाय डब्लिउएफआइजों खुंजानो लानाय नेसनेल सेम्पियनसिपखौ लानानै बिजिससालिआव सेलेन्ज होदोंमोन। जेराव बिजिससालिआ सेम्पियनसिपनि थाखाय गनायथि होदोंमोन। नाथाय रेंकिंखौ थि खालामनाय आरो हारिमायारि दुर्गामेन्टफोरनि थाखाय बेनि थांखिनि सायाव माखासे राय होदोंमोन।

दोनथ'नायनि नाजानायनिफ्राय गावखौ गोजान खालामदोंमोन आरो फिलिस्टाइननि हान्जा हामासखौ दहायाव गावसोरनि मावख'खौ बन्द' खालामनो थिनदोंमोन। कातार बेबादि खालामदों मानोना हामासआ गाजायाव इजराइलनि हम्बजानायफोरखौ हगारनो थियारि नड आरो दावहा दोनथ'नायनि सावरयनायाव मोनसे अखा आखु दिन्थिदों। हामासनि बिबानगिरिफोरखौ 2012 माइथायनिफ्राय कतारआव खामानि मावनो गनायथि होनाय जादों।

दोनथ'नायनि नाजानायनिफ्राय गावखौ गोजान खालामदोंमोन आरो फिलिस्टाइननि हान्जा हामासखौ दहायाव गावसोरनि मावख'खौ बन्द' खालामनो थिनदोंमोन। कातार बेबादि खालामदों मानोना हामासआ गाजायाव इजराइलनि हम्बजानायफोरखौ हगारनो थियारि नड आरो दावहा दोनथ'नायनि सावरयनायाव मोनसे अखा आखु दिन्थिदों। हामासनि बिबानगिरिफोरखौ 2012 माइथायनिफ्राय कतारआव खामानि मावनो गनायथि होनाय जादों।

इन्फोरखौ फोजोबस्त्रांनाय जादोंमोन। रासियानि फेडरल एयार ट्रेस्पर्ट एजेन्सिआ बुंदोंदि, डम'डेडभ, शेरेमेतेभ' आरो झुक'वत्कीनि बिरखं गाथोनफोरां ग 36 बिरखंफोरखौ गुबुन लामाजों सोलायदोंमोन। बबेखानि उनाव अपारेसनफोरा सरासनस्त्रा जाफिनदोंमोन। बे समावनो रासियाया इउक्रेनखौबो गाग्लोबदोंमोन। रासियाया हरसेनि गेजेरावनो इउक्रेननि ओन्सोलाव 145 इन् दैथायहरदोंमोन। क्विभआ बुंदोंमोन दि, बिसोरनि गेजेराव

सा 62 खौ गावथारनाय जादोंमोन। इउक्रेनआ बेखौबो बुंदोंमोन दि, बेयो रासियानि ब्रायनस्क ओन्सोलाव मोनसे हाथियारखौ गाग्लोबदोंमोन। इउक्रेननि गोजौ रौनिया बिथोनगिरि, आलेकजेन्डर सिर्सकीआ बुंदोंमोन दि, इउक्रेनआ मस्क'नि गाग्लोबनायनि बेरेखायै दावहायाव जेनाजों मोगा-मोगि जानांगसिनो दंमानोना रासियानि रौनियाफोरा दावगालाडे आरो सा-करियानि रौनियाफोरा क्रे मलिननि फोसावनायाव

बाहागो लानो थियारि जायो। रासियानि रौनियाफोरा इउक्रेननि सान्जा डनबास ओन्सोलखौ दख'ल खालामनायनि थांखिजों पकर भस्कनि फारसे आवगायलानानै गोदान ओन्सोलफोरखौ दख'ल खालामबाय थादों। पुतिनआ सा-करियाजों मोनसे सोलोआरि बाहागोआरि गोरबथायाव सागान होदों, जेराव गावजों-गाव रैखाथिनि राहाफोर दंफायो। जुन दानाव प्योगयांगआव मोनसे सावरयनायनि उनाव पुतिन आरो सा-करियानि दैदेनगिरि किम जं उनजों सागान होजानाय गोरबथाया मोनफ्रेमबो हान्जाखौ हाथियार गोनां गाग्लोबनायनि थासायिआव गावजों गाव हेफाजाब होनो खावलायो। रासियानि गोजौ सदनआ बे सप्ताहयाव गोरबथाखौ गनायथि होदोंमोन, फारसेथिं गहाइ सदनआ थांनाय दानाव बेखौ मदद होदोंमोन। पुतिनआ मावख'आरि बिथोनाव सागान होदोंमोन, जाय सनिबाराव फोसावजादोंमोन।



दोनथ'नायनि नाजानायनिफ्राय गावखौ गोजान खालामदोंमोन आरो फिलिस्टाइननि हान्जा हामासखौ दहायाव गावसोरनि मावख'खौ बन्द' खालामनो थिनदोंमोन। कातार बेबादि खालामदों मानोना हामासआ गाजायाव इजराइलनि हम्बजानायफोरखौ हगारनो थियारि नड आरो दावहा दोनथ'नायनि सावरयनायाव मोनसे अखा आखु दिन्थिदों। हामासनि बिबानगिरिफोरखौ 2012 माइथायनिफ्राय कतारआव खामानि मावनो गनायथि होनाय जादों।

इन्फोरखौ फोजोबस्त्रांनाय जादोंमोन। रासियानि फेडरल एयार ट्रेस्पर्ट एजेन्सिआ बुंदोंदि, डम'डेडभ, शेरेमेतेभ' आरो झुक'वत्कीनि बिरखं गाथोनफोरां ग 36 बिरखंफोरखौ गुबुन लामाजों सोलायदोंमोन। बबेखानि उनाव अपारेसनफोरा सरासनस्त्रा जाफिनदोंमोन। बे समावनो रासियाया इउक्रेनखौबो गाग्लोबदोंमोन। रासियाया हरसेनि गेजेरावनो इउक्रेननि ओन्सोलाव 145 इन् दैथायहरदोंमोन। क्विभआ बुंदोंमोन दि, बिसोरनि गेजेराव

सा 62 खौ गावथारनाय जादोंमोन। इउक्रेनआ बेखौबो बुंदोंमोन दि, बेयो रासियानि ब्रायनस्क ओन्सोलाव मोनसे हाथियारखौ गाग्लोबदोंमोन। इउक्रेननि गोजौ रौनिया बिथोनगिरि, आलेकजेन्डर सिर्सकीआ बुंदोंमोन दि, इउक्रेनआ मस्क'नि गाग्लोबनायनि बेरेखायै दावहायाव जेनाजों मोगा-मोगि जानांगसिनो दंमानोना रासियानि रौनियाफोरा दावगालाडे आरो सा-करियानि रौनियाफोरा क्रे मलिननि फोसावनायाव

लिजेल लीआ अमेन्स बिग बैश लीगआव वर्ल्ड रेकर्ड सिफायदों

लन्डन, 10 नभेम्बर: अमेन्स बिग बैश लीग 2024 आव हबाट हेरिकेन्सनि हान्जाआ पर्थ स्कर्चसखौ 72 रानजों फेजेदों। जेराव बे मेचआव हेरिकेन्सनि थाखाय लिजेल लीआ गोखौडै बेटिं खालामदों। जेराव आइजोफोरनि क्रिकेट मेचआव

बिथांनि बादि गोहोजों दिन्थिफुनायखौ नुनो मोनाया गोब्राव। बे समाव बिथाडा बेरखा हान्जानि बलारफोरखौ जेनायाव खोखलैदों आरो गोखैयै सेन्सुरि रान लादों। जायनि थाखाय बिथाडा प्लेयार अफ दा मेच सायख'जादों। लिजेलआ बे



मेचआव 75 बलआवनो 150 रान लादों। गावनि इनिंसनि समाव बिथाडा खेब 12 ब्रे रान आरो खेब जिने 6 रान लादों। जेराव अमेन्स बिग बैश लीगनि जायनिआव बेनो देरसिन स्कर थिसनजादों। लिजेलआ आइजोफोरनि क्रिकेटआवबो जायखि-जाया टी-20 मेचआव बयनिखुइ बांसिन 6 रान लानाय गनायथाव नडा होन्ना फोरमायो।

बिथाडा ग्रेस हेरिस आरो लरा अगाथानि वर्ल्ड रेकर्डखौ सिफायदों। जेराव बिसोर सानैनि मुडव आइजोफोरनि टी-20 मेचआव खेब 11 यै 6 रान लानायनि रेकर्ड दडमोन। नाथाय लिजेलआ गावनि इनिंसआव खेब 12 ड'रानजों बिथांमोनखौ उनाव लाखिबाय। बे फारिआव सिडनी सिक्ससरनि एस्ले गार्डनरआ खेब जि 6 रानजों

ब्रेथि आरो वेस्ट इन्डिजनि लिएन्ड्रा डन्डिनआ खेब 9 जों बाथि मासिआव जायगा मोनो। मेवनि उनाव लिजेलआ गावनि दिन्थिफुनो हानायखौ गोजोननाय फोरसायो आरो मेचआव गावनि सान्नाय बादि दिन्थिफु'नो हानायखौ फोरमायो। अब्लाबो बे समाव गावनि फर्मआ मोजां नडब्लाबो सापटै स्टाफ आरो नख'रनि सोमोन्दोआव गावनि गावयारि फोथायनाय बांनायखौ फोरमायो। लिजेलनि बे बेटिंजोंनो हेरिकेन्सनि हान्जाया 200 राननि बांसिन स्करिआव सौहैदों। बिथांनि अनगायै हान्जानिफ्राय हितार ग्राहमआ 23 रान लादों। जेराव 20 अभांरनि उनाव हान्जाआ 203 रानसिम सौहैदों। जेराव बेनि फिन्नायाव स्कर्चसनि हान्जाया 131 रानसिमल' लानो हादों।

भिराट कहलीआ मुंदांखा गेलेगिरिनि मदद मोन्दों

गोदान दिल्ली, 10 नभेम्बर: भारत आरो अस्ट्रेलियानि गेजेराव खेब 5 टेस्ट मेचनि सिरिजआ फेगौ 22 नभेम्बरनिफ्राय पर्थआव जागोन। बेनि थाखाय मोननैबो हान्जानि फारिलाइखौ फोसावबाय। भारतनि हान्जाया अस्ट्रेलियानि हेंथायै थांनाय खेबआव बर्डर गाभास्कार टूफी देरहादों। नाथाय बे खेबआव भारतनि हान्जायाआ गोखौ सेलेन्ज मोनो हागौ। मानोना

सुपारस्टार बेट्समेन कहलीआ मोजां फर्मनि ट्रेकआव फैनो हायाखै। बिथाडा थांनाय खेब 6 इनिंसआव 93 रानल' लानो हादों। अस्ट्रेलियानि फार'केलेन रिक्की पन्टिआ आइसिसिजों सोंथिनि फिनआव बिथांनि दिन्थिफु'नायखौ लानानै माखासे बात्रा बुंदों। लोगोसे बिथांखौ मुंदांखा गेलेगिरि फोरमायनानै जेब्लायबो



फर्मआव थाबाय थानाया सासे गेलेगिरिनि थाखाय जाथावना नडा होन्नायै फोरमायो। बे

समाव अस्ट्रेलियाआव बिथांनि मोजां रेकर्डखौ फोरमायनानै बे खेबआवबो बिथांनि मोजाडै

कक्राझार एन.सि.सि. हाफ माराथनआ 1 7...

मोनसे रूजुजायै खाबु होयो । बेयो केडेटफोरज्जो सोमोन्दो लाखिनो, बिसोरनि सल 'फोरखौ खोनासंनो, बिसोरनि जेंनाफोर, सिमांफोर आरो हाबिलाफोरखौ सिगाखव बुजिनो मोनसे खाबु होयो । बे बादायलायनायखौ हौवा आरो हिन्जाव मोननैनिनो थाखाय मोनथाम थाखोआव खुंनाय जागोन । थामहिनवा हाफ माराथन 21 कि:मि, 10 कि:मि आरो 5 कि:मि । नोगोर खुंथाया गासै भारतनि सुबुंफोरखौ बरायनो आरो कक्राझार आरो बेनि खाथि-खाला थानो थाखाय थोजासे जायगा मोनायखौ थि खालामनो साखा-फारा जावाय । एन.सि.सि. केडेटफोरनि थाखाय बे हाबाफारिखौ 10 साननि जर 'खा हायुंआरि खौसेथि बाद (एस.एन.आइ.सि.) 10 निफ़्राय 19 थि नि महराव खुंनाय जायो, जेराव बिसरो गवजौ-गाव रायज्लायनो आरो गवसोरनि आसार-खात्थि आरो दोरोंफोरखौ बुजिनो खाबु मोनगोन । बेयो एन.सि.सि.जौ देहायारि फिटनेसखौ जौगाहोनाय गवनि रोखोमनि गिबिसिन हाबाफारिवा । बे बेखेवनाय हाबाफारियाव एन.सि.सि.नि सोमोन्दे सांग्र्थि बांहोनाय, कक्राझारनि सोमोन्दे ‘‘ सा-सान्जानि दरख’’ महरै आरो थॉखु आरो फेग्रा मुवानि गात्रि गोहोमफोरनि सायाव सोदोबखौ गोसारहोनायनि थाथिज्जों मोनथाम आयदाफोर दं । गासै हादतनिफ़्राय गासै 4 निफ़्राय 5 रोजासो सुबुंफोरा बे हाबाफारिखौ ज ' खालामगोन होन्ना मिर्जि थिनाय जादों । बिटिसिनि गाहाइ मावफुं सोद्रोमा प्रमद बर', लेफिटनेन्ट जेनेरेल गुरबिपाल सिंह, पिभिएसएम्, र्पभिएसएम्, भिएसएम्, डिजि एनसिसि आरो रौनिया हानजानिफ़ा गुबुन गुबुन सिनियर डिग्रिफोर, आइ.अ.सि.एल. आरो एन.टि.पि.सि.आ बे हाबाफारियाव बाहगो लानो थाखाय थियारिआव दख । 1 बे हाबाफारियाव भारतनि गासै मोन 7 राइज्योन एन.सि.सि. केडेटफोरनि दोरोडरि आरो सुबुं मोसानायफोरखौ दिन्थिफुंनाय, हारिमुआरि दिन्थिफुंनायफोरबो नुनो मोनगोन । भारतनि गिबिसिनि गासै हिन्जावसाफोरनि एन.सि.सि. बेन्डआ एम.एफ. फरायसालि, गुवाहाटीनि एन.सि.सि. बेन्डआबो हाबाफारिनि समाव दिन्थिफुंगोन । बे हाबाफारियाव दावबायारि बिफान, गावारि हेफाजाव बिफान, कक्राझारि मेडिकेल कलेज, एनआइटि आरो कक्राझारनि गुबुन गुबुन मुंदांखा फसंथानफोरनि स्टलफोर थागोन । गासै बे सानसेनि हाबाफारिया देहायारि फिटनेस, सांग्र्थि बांहोनायजों लोगोसे भारतनि लाइमोनफोरनि रोंग'थि आरो रोंग'थिफोरखौ दिन्थिफुंनायनि मोनसे रंजाथाव हाबाफारि जागोन । हाबाफारिनि थाखाय आरोबाव गुदिखिथा आरो रेबथुमनायनि थाखाय गोसो गुदुं सुबुंफोरा वेंबसाइट www.kokrajharnccmarathon.com आव क्लिक खालामनो हागोन । ॥

बड'लेण्ड हालामनि फरायसाफोरा गोब्राब ...

फरायसाफोरनि बाहागो लाफैनायजों गाव गोनान्डे जोबलाडो ३थि इन्टार कलेज इयुथ फेरिस्टभेलआ । फरायसालिमाफोराव फरायबाय थानाय फरायसाफोरनि गेजेराव गोरोबलायनाय, खौसेथि आरो सोमोन्दोखौ गोखों खालामनायनि आबहावा सोरजिनायजों लोगोसे फरायसाफोरनि थाखोमानाये थानाय रोंगोथिखौ दिन्थिफुंनायनि मोनसे जौसां जगायनायनि थाथिज्जों थंनाय थाम बोसोर सिगानिफ़्राय खुंबोनाय बायदिनो बे बोसोरावबो ३थि इन्टार कलेज इयुथ फेरिस्टभेलखौ थंनाय 7 नभेम्बरनिफ़्राय जागयानानै दिनें 10 नभेम्बरसिम बड'लेण्ड मुलुग सोलोंसालियाव खुंनाय जादों । सानब्रैनि हाबाफारिजों खुंनाय फेरिस्टभेलआव गुबुन गुबुन फरायसुलाफाफोरनिफ़्राय बाहागो लाफैनाय फरायसाफोरनि गेजेराव थुनलाइयारि, हारिमुवारि, सावगारि एबा मुसुखा आंखिनाय बादायलायनाय बायदि हाबाफारि लानाय जादों । दिनें जोबथा सानखालि फोजेबनाय हाबाफारियाव गाहाइ आलासि महरै बाहागो लायो आसामनि केबिनेट मन्थि उर्खाव गोरा ब्रह्मआ । बड'लेण्ड मुलुग सोलोंसालिनि रेंजिस्ट्रर ७ सुबुं बसुमतारिनि मासि लानानै दैदेन्नाय दिनेनि फोजेबनाय हाबाफारियाव बाहागो लानानै गुबुन गुबुन फरायसालिमाफोरनि बाहागो लाफैनाय फरायसाफोरनि गेजेराव गाहाइ आलासि उर्खाव गोरा ब्रह्मआ थुलुंगांखोहोनाय बिबुंथि लाखिनो । हाबाफारियावनो बड'लेण्ड मुलुग सोलोंसालिनि भाइच चेन्सेलर प्रफेसार बाबुलाल आहुजाबाबो गवनि बिबुंथिनि गेजेरजों फेरिस्टभेलआव बाहागो लाफैनाये जोबोर आबुंथिनि गेजेरजों गुबुन गुबुन बादायलायनायफोराव बाहागो लानानै गाव-गवनि रोंगोथिखौ दिन्थिनाय आरो बाहागो रानलायनायनि थाखाय गुबुन गुबुन फरायसालिमानिफ़्राय बाहागो लाफैनाय गासैबो फरायसाफोरनो साबायख'र ज़ासिनाये फैब्राय थानाय समाव गोब्राब नाजानाय आरो फरायनायनि गेजेरजों गाव-गवनि थांखिसिम सौंहैनो सुबुरुन होयो । लोगोसे बिथाइ बड'लेण्ड हालामनि फरायसुला फरायसुलिफोरखौ गोब्राब नाजग्रा, गावखौ बाडसोमग्रा आरो जोबोर रोंगोथि गोनां होन्नै बाखायो भाइच चेन्सेलर प्रफेसार बाबुलाल आहुजा बिथाइ । दिनेनि जोबथा हाबाफारिनि गेजेरजों गुबुन गुबुन बादायलायनायफोराव देरहासार जानाय फरायसाफोरनो बान्था रानानै होनाय जायो । मख'नाय जायोदि, बे फेरिस्टभेलनि लोब्बायै थंनाय ८ नभेम्बरखालि मोनसे हारिमुवारि हान्जा सुरनाय हारिनाय जादों । हारिमुवारि हान्जा सुरनाय हाबाफारिनि गेजेरजों गुबुन गुबुन फरायसालिमाफोरनिफ़्राय बाहागो लाफैनाय फरायसुला फरायसुलिफोरा बर' हारिनि बायदि-बायदि दोरोडरि हारिमु, मावनाय-दांनाय, नेमखात्थि-आसारखात्थिफोरजों लोगोसे गुबुन गुबुन हारिनि हारिमुखौ हान्जा सुरनायनि गेजेरजों दिन्थिफुंनायखौ नुनो मोन्दोंमोन ॥

बिसाइख'थि फोसावदिं मेलआव बाथौ ...

राजाफोरनि भटखौ लानो नाजादों । नाथाय बिसाइख'थि फोसावदिं हाबाफारियाव बि पि एफ दोलोनि सासे दैदेनगिरिनि बिबुंथियाव बाथौ धोरोन आरो सिबियारिनि सायाव अफमान खालामनाय राव बाहायनायनि मोनसे भिडिअथा ससियेल मिडियाआव गोखोडे' गोसारदों । बेखौ लानानै बाथौ सिबियारिफोरा बिथानि राव बाहायनायाव दुखु मोन्नायजों लोगोसे खुद्रिखांदों । मिर लाइमोन बि पि एफनि दैदेनगिरि जितेन मोसाहारिआ बावैसो सानफोर सिगां सिदलि बिधान सभा बियाबनि उफ़ा बिसायखथिनि थाखाय मोनसे बिसाइख'थि फोसावदिं मेलआव बाथौ धोरोम खौ लानानै सोंखारिजाथाव बाश्रा बुंनायखौ लानानै गोखों फिनजाथाय होदों । दिनें खौरागिरि मेलनि गेजेरजों तामुलपुर जिल्ला दुलाराइ बाथौ गौथुमा जितेन मोसाहारिनिसिम फिनजाथाय होदों । सोंखारिजाथावदि, सिदली उफ़ा बिसायख'थिआव बाहागो लानानै रायजोफोरनि सिगांआव बाथौ धोरोम सिबियारि रायजोफोरखौ मिनि-मिनि लाजिफानांदों जितेन मोसाहारिआ । बेखौ दुखु मोन्नानै तामुलपुर जिल्ला दुलाराइ बाथौ गौथुमा गोखों रावजों सोंखारियो । सान्नैनि गेजेराव निमाहा बिनो जितेन मोसाहारिनिसिम सांग्र्थि होदों, जुदि सान्नैनि गेजेराव निमाहा बियाब्ला गसर थिसनाय जागोन होन्नानैबो फोरमायथिदों तामुलपुर जिल्ला दुलाराइ बाथौ गौथुमनि गाहाइ नेहाथारि धनेस्वर बसुमतारिया ॥

धेमाजि जिल्ला एबसुनि 3०थि बोसोरसालिया...

बोसोरसालिया जथुम्मानि बान्जाय आफादनि मावखुलिखौ बान्जाय आफादनिनो मासिगिरि ७ सचिन दले बिथाइ बेखेवनानै होयो । धेमाजि जिल्लानि सिमेन सापरिनि समकनि रंग मन्सआव बोहैथि बोसोर डिसेम्बर दाननि 28 आरो 29 अक्टआव साननैनि हाबाफारिजों खुंफुंजानो गोनं धेमाजि जिल्ला एबसुनि 3०थि बोसोरसालिया जथुम्मा आरो सिमेन दखरा एबसुनि 34थि बोसोरसालिया जथुम्मानि बान्जाय आफादा दिनें मावखुलिखौ सिमेन सापरि फरायसालिनि गोरायुं एबा बान्जाय आफादनिनो मासिगिरि ७ सचिन दलेनि आखायजों बेखेवनानै लाबाय । लोगोसेनो बे जथुम्माखौ जाफुंसारै खुंफुंनगोंनि थाखाय बान्जाय आफादनि मोनसे गोनथाय मेलबो खुंफुंनाय जायो । बान्जाय आफादनि मावखुलिखौ बेखेवखानायनि उनाव ७ सचिन दलेआ खौरं बिजॉनि गेजेरजों ओनसोलनि गासै रायजो-राजाफोरखौ बे जथुम्माखौ खुंफुंनायाव मदद होनो आरो बाहागो लाफैनो थाखाय खावलायहरदों । दिनें मावखुलि बेखेवनायजोनो लोब्बा लाखिनानै जथुम्माखौ खुंफुंनगोंनि सायाव गुवारै सावरायनाय जायो । मख'नो गोनांदि, जथुम्माजों लोब्बा लाखिनानै 'गेरेमसा समक' मुंनि बां रावारि बिसम्ब दिहुननाय जागोन होनानै थाथि लायो । हाबाफारिआव बान्जाय आफादनि बोसोनगिरि ललित चद्र बर', पदमनाथ सार, सनेस्वर बसुमतारि, मासिगिरि ७ सचिन दले, मावफुं आफादगिरि मलेन्द्र नांरारि, गाहाइ लिंथुमगिरि बिदेस्वर दैमारि, मिरु खौसेथि बर' सुबुं आफादनि अर्गानाइजि सेक्रेटारि प्रानजिथा बर', धेमाजि जिल्ला एबसुनि आफादगिरि तेनजि बर', धेमाजि जिल्ला खौसेथि बर' सुबुं आफादनि आफादगिरि रातिराम बसुमतारि, जनाइ जिल्ला बर' थुनलाइ आफादनि आफादगिरि दिलिप बसुमतारि, गाहाइ नेथारि बिमल मोसाहारि, धेमाजि जिल्ला इउनास्टेड फरग अफ इक्स एन डि एफ बिनि आफादगिरि प्रफुल्ल बर' लोगोसे बान्जाय आफादनि बिबानगिरि आरो सिमेन दख'रनि सिंडव थानाय गुबुन गुबुन आफादनि दैदेनगिरि बिथांमोना बाहागो लायो ॥ ॥

खाग्राबारि दख'रा एबसुनि 4२थि बोसोरसालिया..

गुदि फरायसालिनि लागोना मोखांआव साननैनि मेहेरगोनं हाबाफारिनि गेजेरजों सोलिफु बोसोरनि फेगौ डिसेम्बर दाननि 7 आरो 8 अक्टआव खुंफुंनो थाखाय थाम-थिम खालामनायखौ नुनो मोन्नाय जादों । बेनिनो खुंजानो गोनं हाबाफारिनि गाहाइ खुन्थियाखौ गाइसनबाय । बर' हारिनि गोथार नेम-खात्थि बादिदै मोरासे समनि खाग्राबारि दख'रा दुलाराय बर' फरायसा आफादनि बाररा' आफादगिरि धनेस्वर बर'नि लाइ खुन्थियाव गिबि हा होजेनगिरि आलासि महरै बाहागो लानायजों हाबाफारिखौ मावफुंनानै लानाय जायो । गुंजानो गोनं बोसोरसालिया जथुम्मानि हाबाफारियाव गाहाइयै दख'रा आफादनि मावथाथिफुंनो खुंनाय मोनसे लाइ होनाय, बर' माहारिबाद दानायनि थाथिआ आरो नोजोर, ओन्सोलाव आबादारि बिथिखव जौगाथाय लाबोनायनि थाथि-सिमां बायदि गोबां गोनांथार आयदाफोरखौ लानानै सावरायनाय जागोनखौ दिनेनि हाबाफारिजों लोब्बा लाखिनानै मिबथि होयो दख'रा आफादनिफ़्राय । मख'नो गोनांदि, खाग्राबारि दख'रा दुलाराइ बर' फरायसा आफादनि आफादगिरि अजित बर', गाहाइ नेहाथारि बड'सा दैमारिमोनजों लोगोसे बान्जाय आफादनि आफादगिरि आरो खाग्राबारि ओन्सोलनि मेलेमजबि राइजो-राजाफोराबो दिनेनि बे लाइ खुन्थिया गाइसनाय हाबाफारियाव मैखोमै बाहागो लाफानानै हाबाफारिखौ जाफुंसार महर होनायखौ नुनो मोन्नाय जायो ॥ ॥

भेरगाव जिल्ला बर' गुदि...

आफादनि फिर्फला बिरहोनाय, रंसारिफोरनो बिबार बाउनायनि उनाव थान्दे मेल जिरायनाय आरो गेवलं मेल लानाय जायो । भेरगाव जिल्ला बर' गुदि फोरोंगिरि आफादनि आफादगिरि नबिन चन्द्र बर'आ बे गेवलां मेलखौ सामलायो । थान्दे मेलनि गेजेरजों बर' गुदि फोरोंगिरिफोरनि जेंनाखौ लाफानानै गुदि फरायसालिफोरनि जेंना, बर' बिजॉनि जेंना आरो बायदि बायदि आयदाफोरनि सायाव सौंनाय फिन्नायनि गेजेरजों गुवारै सावरायलायो । मख'नो गोनांदि, दिनेनि हाबाफारिनि गेवलां मेलाव गाहाय आलासि महरै बाहागो लायो दुलाराय आसाम बर' गुदि फोरोंगिरि आफादनि आफादगिरि मदन सरगियारिआ बे गेवलां मेलानवो बावैसो अजिरा बरनाय सा 42 फोरोंगिरिफोरखौ गांफायै आर'नाइ आरो मान बिलायजों बरायनाय जायो । गेवलां मेलव खेराबारि बिइइअ धुमिहर बर'जें लोगोसे गोबां फोरोंगिरि,समाज सिबिआरि सोलोंथाय अनसायगिरिफोर बाहागो लायो ॥

बिपिएफ दोलोनि बिजाथिखौ...

बिजाथि सुद्र बसुमतारिआ बाहागो लानानै खुंनो गोनं उफ़ा बिसायख'थियाव बिपिएफ दोलोया देरहानाया रोखा होन्नानै खौरं बिजॉनि सिगाइव फोसमायो ।बिपिएफ दोलोनि गोखोंथिखौ नुनानै जुथाय हान्जाया गिदों जायनि थाखायनो चिदली बियाबनि उफ़ा बिसायख'थियाव मिरुजों लोगोसे राइज्योनिफ़्राय बिबानगिरि, मन्थिफोब इउपिएएल दोलोनि जानानै फोसावदिंनो थाखाय चिदलीयाव ज' जाफेदों ।बिपिएफआ 8० रोजानिबो बांसिन भटजों देरहागोन होन्नानै बिपिएफ दोलोनि बिजाथि सुद्र बसुमतारिआ बुडो । बे हान्जा सुरनाया बासुगाव ओन्सोलाव गिदिंनाने भटार राइजो-रजाफोरनि नोजेर बोनो हायो । गुबुन फारसैथिं, डुपिपिएल, बिजेपि, एजिपि जुथाय हान्जानि बिजाथि निर्मल कुमार ब्रह्मनि जानानै बियाबनि कालिपुत्रि, कुशांकाता बायदि जायगायाव बिसायख'थिनि फोसावदिं मेल खुंनाय जायो । बे मेलाव बिटिसिनि गाहाइ मावफुं सोद्रोमा प्रमद बर', आसामनि आबाद मन्थि अतुल बरा, मन्थि ज्जोन महन, बिटिसिनि गाहाइ मावफुं सोद्रोमा र्जन्जत बसुमतारि, कक्राझारि सान्जा बियाबनि एमएलए लेन्स इस्तारो मोनहा बाहागो लायो ॥ ॥

नब'शरनियानि हेंथायै ...

दासआ बाररा' एमपि आरो गण सुरक्षा पार्टिनि आफादगिरि नब' कुमार शरनियानि हेंथायै खुद्रिखानानै गोखों रावजों सोंखारियो । अबर' सुरक्षा आफादनि नेहाथारि जन दासआ खौरंगिरि मेलाव बुखेदि, जाय समाव अबर'आ हारि-हानि थाखाय ज' जानो दावगाबोदों बे बायदि समावनो जिएसपि दोलोनि आफादगिरि, बाररा' एमपि नब' कुमार शरनियानि आ बिटिसिनि बाररा' मावफुं सोद्रोमा आरो एमसिएएल घनश्याम दासखौ लानानै मोनसे खौरंगिरि मेलनि गेजेरजों चिदली बिधान सभा बियाबनि उफ़ा बिसायख'थियाव बिपिएफनि बिजाथिखौ हेफाजाब होनो फोसादनायाव गोथौ दुखु मोन्दौ । मानोना बिटिसिआव हाग्रामा महिलारी दैदेनाय बिपिएफ सरकार बिटिसिनि 22 लाख अबर' राइजो-रजाफोरखौ थगयानाय, अबर' फोनेनि सायाव गात्रि खुंथाय खुंनायनि थाखाय 2०11 माइथायाव दाफुंनाय अबर' सुरक्षा आफादनि सोमावसारनायनि गेजेरखों अबर' भटजों नब' शरनियाआ खेबने कक्राझार लक सभा बियाबनि एमपि जादोंमोन । थंनाय 17 बोसोराव हाग्रामा महिलारी आरो बिपिएफ सरकार गात्रि खुंथायजों अबर'खौ हानि मोन्थाइनिफ़्राय जानमागार दोन्नाय, अबर' फोनेनिफ़्राय हा सिख'दोंमोन । अबर'फोरखौ गासैबो दिगनिफ़्राय जानगावव दोन्दोंमोन । हाग्रामा महिलारीनि गात्रि खुंथायनिफ़्राय बाररा'नो थाखाय अबर' राजखान्खनिफ़्राय खेबनै एमपि जानानै नब' कुमार शरनियाआ जोबथारनायाव चिदली बिधान सभा बियाबनि बिसायख'थियाव हाग्रामा महिलारीनि बिपिएफ दोलोनि बिजाथिखौ हेफाजाब होनानै अबर' राइजो-रजाफोरखौ फोथायखेबस' कालामदों । नब' कुमार शरनियाआ गवनि गावआरि सार्थनि थाखायसो चिदली बिधान सभा बियाबाव बिपिएफ दोलोनि बिजाथिखौ हेफाजाब होनानै हाग्रामा महिलारी आरो बिपिएफजों लोगो जादों । खौरंगिरि मेलान जन दासआ खुद्रिखानानै बुडोदि, हाग्रामा महिलारीनि गात्रि खुंथायखौ बिदाय होनो थाखाय, हाग्रामा महिलारीनि गात्रि खुंथायनि हेंथायै सोमावसारनायाव, हाग्रामा महिलारी आरो बिपिएफखौ बोख्लायनो कावलायनायजों 2०20 माइथायाव नब' कुमार शरनियाआ खर' ह'जानानै सोमावसारदोंमोन । अर' कुमार शरनियाआनो चिदली बिधान सभा बियाबनि उफ़ा बिसायख'थिनि गेजेरजों हाग्रामा महिलारीजों लोगो जानानै फोथायखेबस' खालामनायल' नड, नब' कुमार शरनियाआ हाग्रामा महिलारीजों लोगो जानानै सानेबो अबर'नि हेंथायै खैसार खालामदों । खौरंगिरि मेलान अबर' सुरक्षा आफादनि दैनेगिरि जन दासआ नब' कुमार शरनियाखौ बिटिआर अबर' राइजो-रजाफोरा गोखों फिनजाथाय होगोन होन्नानै बुडो ॥

साहा बरतारि गुदि फरायसालियाय...

खुंनाय हारिमुवारि हान्जा सुरनाय हाबाफारिखौ बेखेवनानै होयो फरायसालिनि हा दान होग्रानि फिसान्जा अमुल्ग कलिताआ । मैयानिफ़्राय साननैनि हाबाफारिजों खुंनाय बे बाररा' फरायसा फोबैनि हाबाफारियै दिनें फुडव खुंनाय बे हारिमुवारि हान्जा सुरनाय हाबाफारियाव रंजा-बाजा थारारिखौ नुनो मोनो । गुबुन गुबुन हारि-माहारिनि हारिमु दिन्थिफुंनाय बे हान्जा सुरनाय हाबाफारियाव आइजोफोरनि उरुलि नाम, बिहु, बारगुरुम्बा मोसानानै दिन्थिफुंनाय जायो । बेलासियाव मोब्लिब बिफाननि आजिरा मोन्नाय बिबानगिरि आरो बाररा' फरायसा गपेस चन्द्र अधिकारिनि आफादगिरि मासि सामब्लायनायाव गेवलां मेल आरो बान्था रान्नाय हाबाफारि खुंनाय जायो । बेनि उनाव बाररा' फरायसाफोरनि गेजेराव हारिमुवारि हाबाफारि खुंनाय जायो । हरव हांख्रायजानाय मेथाइ रोजाबगिरिनि मेथाइ रोजाबनानै दिन्थिफुंनायजों साहा बरतारि गुदि फरायसालिनि बाररा' फोसावदिं फोबैआ थुंगेफैयो । मख'नो गोनांदि, मैयानि हाबाफारि बायदिदै फुंबिलियाव आलारि बाथि फोज्ञानाय, फिर्फला बिरहोनाय, मुख्न्फोरनो मान बाउनाय, बिफां फुलि गायनायजों लोगोसे सोंगाव बादायलायनाय, सावगारि बोनाय, गोसोखाथि आन्जाद बायदि बादायलायनाय खुंनाय जायो ॥

माजबात गोजौसिन गेजेरारि ...

आलासि महरै दर-उदालगुरि लक सभा बियाबनि एमपि दिलिप शङकियाआ । 1949 माइथायाव गायसनजानाय बे फरायसालिया 75 थि बोसोराव आगान होनानै माजबातआव जारिमिन सोरजिबाय । ओन्सोलाव सुबुं सम्पद दाफुंनयनि मोनसे गोनंथार बिफाव लाबोदों माजबात गोजौसिन गेजेरारि फरायसालिया । सोलोंथाइ मन्थि ७ रनज पेगुआ माजबात गोजौसिन गेजेरारि फरायसालिनि जौगाथायनि मिर्जिथिनानै सोलोंथाइ मन्थिआ राइज्यो सरकार आजावनाय सोलोंथाइ रहानि सायाव बिबुंथि होयो । राइज्यो सरकार गासै गं 372 फरायसालियाव 7 कौटि रॉनि अन्सुंथाइ गथायोगोन होन्नानै मन्थिआ फोसमायो । माखासे एमएलए आरो खुंथायारि सिबिथायनि बिबानगिरिफोर बे फरायसालियाव फरायदोंमोन । फरायसालिया गायसनजानाय समनिफ़्रायनो दासिम बाररा' फरायसाफोरनि गेजेराव गुबुन गुबुन हाबाफारि खुंबोदों । बे सोलोंथाइ फरसंथानि 75 थि बोसोररि ह्रिथि माइथाय फलिथायनो लोब्बाजों दिनें थामथि साननि हाबाफारियाव मोनसे हान्जाय हाबाफारि खुंनाय जायो । बे हान्जा सुरनाय हाबाफारिखौ बेखेवनानै होयो उदालगुरि जिल्लानि जिल्ला बेंगिरि पुतुक पाटगिरिआ । बे हान्जा सुरनाय हाबाफारियाव मोन 58 हारिमुवारि हान्जाफोर बाहागो लायो ॥ ॥

आसामनि राइज्यो बेंगिरिया प्रतिभा प्रत्साहन ...

प्रत्साहन यजनानि सिडव आसामनि सिभिल सार्थिस आन्जादनि बिजाथिफोरनि थाखाय सायख'जानाय बिनारयासाफोरनि थाखाय काउन्सेलं आरो थाखुंथियारि लामा दिन्थिनाय जथुमाव राइज्यो बेंगिरि लक्ष्मण प्रसाद आचार्यआ बाहागो लानानै बिबुंथि होयो । राइज्यो बेंगिरि आचार्यआ कृष्ण कान्ता हेन्दिकनि 12 फुट गोजौ ब्रन्जनि मुसुखाबो बेखेवनानै आरो गोबां बिबार बाउनानै मान होयो । बिथाइ एक पेड मां के नाम अभियाननि मोनसे बाहागो महरै केकेएइसएसअइउनि आवथायाव बिफां फुलि गायो । बे मुसुखाखौ स्टेट बैंक अफ इन्डियानि हेफाजाबाव मुलुगसोलोंसालिजों गायसन्नाय सिमां नुयो, बे फालिथाइयाव राइज्यो बेंगिरिया बुडेदि, 'जेब्ला जौनि लाइमोनफोरा बिमा हादतखौ सिबिनायनि सिमां नुयो, अल्मा जेबनि बटले जौ बिसोरनो गावसोरनि सिमांखौ मोगथाखव जाफुंहोनो खाबु होनायनि बिबानखौबो मोन्दनांगोन । राइज्यो बेंगिरि आसामनि प्रतिभा प्रत्साहन यजनानि गेजेरजों जौ आसामनि लाइमोनफोरनो गोजौ थाखोनि फोरोंथाय होनायनि अनगायैबो बिसोरनि आत्मनिर्भरताखौ बांहोदों आरो बिथांमोनखौ गावसोरनि थाथिफोरखौ मोनफुंनो थाखाय थुलुंगा होदों ।' राइज्यो बेंगिरिया बुंबावोदि बे हाबाफारिनि सिडव लाइमोनफोरनि रोंग'थिखौ फेदेरनो, बिसोरनि इयुनखौ महर होनो आरो गोसो गुदुं बिनारयासाफोरनो राडरि हेफाजाब आरो बोसोन होनानै सुबुं सिबिथाय आन्जादनि थियारि खालामनायाव थि लामा दिन्थिनायखौ रोखा खालामनो नाजगासिनो दं ।बिथाइ मिर्जि थियोदि बे हाबाफारिया 2०47 माइथायसिमाव जौगानाय भारतनि बिथाखौ गोखों खालामनायाव हेफाजाब होगोन । राइज्यो बेंगिरि आचार्यआ फरायसाफोरखौ गावसोरनि गेजेराव 'हादोर सिमां'नि गोसोखौ लाखिनो खावलायो । राइज्यो बेंगिरिया बुडेदि जेब्ला मोनसे हादतनि लाइमोनफोरा' हादोर गिबि' सानसिजों आवागयलाडो, अब्ला बुहुमनि मोनसेबो गोहोआ बिसोरखौ बिमा हादतनि थाखाय गावसोरनि सिबिथाइ होनायनिफ़्राय होवथानो हाया । 'बेजों लोगोसे, जौ जॉनि हारिमु, जॉनि सोदोमसिि आरो जॉनि बेसेनफोरखौ सर्रेखा खालामनांगोन आरो जोथोन लानांगोन । जौ जॉनि सिगांनि गोग्गानायखौ फोथांफिन्नो थाखाय खामानि मावनांगोन, जॉनि उनमोनथाइखौ जौगाहोनांगोन आरो जॉनि फोलांथय आरो बिरांदाभिनखौ गोदान मुगारियारि खालामनो नाजबाबो थायांगोन,' होनानै राइज्यो बेंगिरिया बोसोन होयो । राइज्यो बेंगिरिया फरायसाफोरखौ बादायलु आन्जादफोरनि थाखाय गोहो होनायजों लोगोसे फरायसाफोरनि बेसेन आरो आबु जौगाहोनायाव बिसोरनि बिफावनि थाखाय मावख'गिरि, फोरोंगिरि आरो कचिं फसंथानफोरखौ बरायो । राइज्यो बेंगिरिया बुंबावोदि बे हाबाफारिया राइज्योनि लाइमोनफोरखौ जाफुंसार जानो हानाय, राइज्यो आरो हादतनि जौगानायाव बिहोमा होनो आरो रादाय होनाय आरो फोथायथिजों बावसोमनाय सुबुं सिबियारि जानो गोहो होगोन । बिथाइ गोसो गुदुं फरायसाफोरखौ रादाय होनाय आरो बावसोमनायजों गोथौयै थियारि जानो खावलायो । बिथाइ बोसोनगिरि सिमिम करन (आइएएस), अरण्यक शङकिया (आइएएस), आदित्य बिक्रम सिंह (आइएएस) आरो अमित महतो (आइपिएस) खौ साबायख'र बाउवो । रायखानो गोनांदि, बे राइज्यो बेंगिरि आसामनि प्रतिभा प्रत्साहन यजनाआ गाहाय मन्थि नरेन्द्र मदिनि जौनोम साननि फलिथायाव राइज्यो बेंगिरिजों सानखांजानाय मोनसे बिथॉथि । हाबाफारिनि थाखाय स्क्रिनि आन्जादआ 2० अक्टबराव गुवाहाटी, बंगाइगाव, जरहात आरो सिलचरआव खुंजादोंमोन । फोरोंथायखौ गोदान दिल्ली (एनसिआर) नि लोगो आफादफोर आरो मुंदांखा एजेन्सिफोर, जेरै पबन चिन्तन धारा आरेकटि आरो आर्य प्रतिभा बिकास सनस्थानजों सुबिदा होनाय जागोन । राइज्यो बेंगिरिनि कमिसनर आरो सेक्रेटारि एसएस मिनाक्षि सुन्दरम, केकेएचएसअइउनि भाइस चेन्सेलर प्रफेसर राजेन्द्र प्रसाद दास, आर्य प्रतिभा बिकास सनस्थाननि मावफुं बिथोनगिरि अउनु बासुदेवा, पवन चिन्तन धारा आश्रमनि प्रजेक्ट इउपिएससिनि क-अडिंटेनर सुरेशि शर्मा, केकेएइसएसअइउनि रेंजिस्टार प्रफेसर प्रानजित बराजों लोगोसे गोबां गुबुन गेदेमा सुबुंफोरा बाहागो लायो ॥ ॥

उदालगुरि जिल्ला एबसुआ खुंनाय 8थि ...

खालामनानै थानाय 27 अक्टबर खालाराव थाखो द', स्त्रि आरो थाखो दाइनिन फरायसाफोरखौ लानानै इरंजि, बिगियान, सानखात्थि आरो सरासनस्हा बिगियान बे मोनब्रै आयदानि सायाव गासै 100 नम्बरनि सोंथि बिलाइ सेबकांनायनि गेजेरजों देग्लायनि 8थि रोंगोथि सायख' आन्जादखौ जिल्ला आफादनि सिडव थानाय गं 27 आन्जाद मिरुआव गासै 3,542 फरायसाफोरखौ लानानै खुंनाय जादोंमोन । बेनिनो आन्जादनि फिथाइखौ दिनें उदालगुरि जिल्ला दुलाराय बर' फरायसा आफादनि गाहाइ मावखुलि जोहोलाव बालिराम न'ब्लांआव उदालगुरि जिल्ला दुलाराय बर' फरायसा आफादनि आफादगिरि कर्नेलियास दैमारि, आन्जाद सामलाय बर्डनि मासिगिरि रिबन्द्र बर', सोलोंथाइ नेहाथारि सेलभेसन मोसाहारि, लोगो सोलोंथाइ नेहाथारि जोहोलाव बर' आरो थुनलाइयारि नेहाथारि धनेस्वर बसुमतारि मोरनि मोनसे हान्जाया खौरंगिरि मेलनि गेजेरजों फरायसाफोरनि सायख' आन्जादनि फिथाइखौ फोसावो । जिल्ला आफादनि खुंजानाय देग्लायनि 8थि रोंगोथि सायख' आन्जादआव थाखो द'निफ़्राय 1,414 आन्जाद होगिरिफोरनि गेजेराव बांसिन नम्बर मोन्नानै सेथि मासियाव आवग्रिनो हायो खाग्राबारि इउ एन एकाडेमिनि थरायना अननुजलि बारलारिआ । बिथाइ गासै नम्बर मोन्नो हायो जौसेनि मादआव 73 नम्बर, नैथि मासिखौ 72 नम्बर मोन्नानै आवग्रिनो हायो बर' बाजार गेजेर फरायसालिनि बिजितसा बर'आ आरो थामथि मासियाव सानै फरायसा फारियै अलंबार गेजेर फरायसालिनि प्लानव बसुमतारी, बर' बाजार गेजेर फरायसालिनि गियानसा बर'मोनहा । बिसेर सानैबो फरायसाया जौसेनि गेजेराव मोन्नो हायो गासै 71 नम्बर । थाखो स्त्रिआव 1,200 फरायसाफोरनि गेजेराव 86 नम्बर मोन्नानै सेथि मासि आवग्रिनो हायो सानजौरां गोजौ फरायसालिनिफ़्राय हेलसियन बड'साआ । नैथि मासियाव जायगा आवग्रिनो हादों खाग्राबारि इउ एन एकाडेमिनिफ़्राय जौसे नम्बरनि मादआव गासै 81 नम्बर मोन्नानै बरथाना निरजु राजि कछारिआ, बेनिनो थामथि मासियाव जायगा आवग्रियो 76 नम्बरजों के के करवा हिन्जावसा गोजौ फरायसालिनिफ़्राय रियायनि रियायि आ । थाखो दाइआव 928 आन्जाद होगिरिफोरनि गेजेराव सेथि मासियाव आलारि गेजेर फरायसालिनिफ़्राय 94 नम्बरजों मोब्लिव बर'आ आवग्रिनो हायो, नैथि मासिखौ आवग्रिनो हायो सानजौरां गोजौ फरायसालिनि चन्दन बर'आ 90 नम्बर मोन्नो हानानै, सानजौरां गोजौ फरायसालिनिनो थरायना नेहामनि बर'आ 80 नम्बर मोन्नो हानायजों थामथि मासियाव जायगा आवग्रिनो हायो । मख'नोनाय जायोदि, जिल्ला आफादजों खुंजानाय देग्लायनि 8थि रोंगोथि सायख' आन्जादआव थाखो द'निफ़्राय सा 1,414 , थाखो स्त्रिआव 1200 आरो थाखो दाइनआव सा 928 गासै सा 3,442 फरायसाफोरा आन्जादआव जिरायदोंमोन । बेनि गेजेरनिफ़्रायनो मोनफ़्रोमबो थाखोनिफ़्राय टप-3 एवा गोबांसिन जौखोन्दो लानानै उध्रिसार जानो हानाय फ

गाहाम देहानि राहा

डायबिटिज आरो कलेस्ट्रलखौ कन्ट्रल खालामनायाव जोगोनात बेगरआ मुलाम्फा गोनां

जोगोनातखौ बांसिन नख'रफोराव मैंग महरै बाहायनाय जायो। नाथाय बांसिन सुबुंफोर बेनि बेगरखौ जेबो मुलाम्फानि नडा होनानै गारो। गोबां सुबुंफोर मिथिया जोगोनात बादिनो बेनि बेगरआबो गोबां मुलाम्फा गोनां। जोगोनातनि बेगरआव गोबां गुनफोरखौ मोन्नाय जायो। बेवहाय मेग्नेसियाम, प्रटिन, फाइबर आरो जिंक बायदि गुनफोर थायो। जाय देहानि थाखाय जोबोद मुलाम्फा गोनां। बेनिखायनो बेनि बेगरफोरखौ गारनायनि सोलायै गावनि डाइटनि बाहागो खालामनायै लादो। बेबादिआव जोगोनातनि बेगरआ नोंथानि देहानि थाखाय माबोरै मुलाम्फा गोनां बेखौ मिथिना लानाया गाहाम।

(1) जोगोनात बेगर जानायजों ब्लाड सुगारनि लेभेलआ कन्ट्रलआव थायो। मानोना बेयो इन्सुलिन लेभेलखौ कन्ट्रल खालामनायनि हाबा मावो। लोगोसेनो बेखौ जायोब्ला अक्सिडेटिभ स्ट्रेसआबो बाडइ



जायो।

(2) जोगोनात बेगरआ देहानि लिखाइखौ बाडाइ खालामनो थाखाय बयनिकुइ मोजांसिन स्नेक्सफोरनि गेजेराव मोनसे। बेखौ जायोब्ला गोलाव समसिम उखैनाय मोना। बेवहाय थोजासे बिबाडव फाइबर थायो, जाय क्रेभिंखौ कन्ट्रलआव लाखियो।

(3) जोगोनात बेगरआव मोनसे रोखोमनि अमिनखौ मोन्नाय जायो, जायखौ कुकुबिटिन बुजे। बेखौ खानायखौ मोजां खालामनो थाखायबो गोनांथार मानिनाय जायो। बेनि अनगायै जोगोनात बेगरआव भिटाभिन-सिबो थायो, जाय खानायखौ बांहोनायाव मदद होयो।

(4) जोगोनात बेगरआव सेर'ट'निन थायो, बेयो मोनसे मिथिगायारि रसायन। मोजां उन्दुनो हानायनि थाखायबो बेयो गोहोम गोनां जायो। बेयो जोबोद गोलै आरो नेसारेल नेमखास्थि।

(5) जोगोनात बेगरआव हेल्डि फेटस, फाइबर आरो एन्टिअक्सिडेन्ट थायो। जाय बिखाणि थाखाय मोजां। जोगोनात बेगरआव मन'असेचुरेटेड फेटि एसिडबो थायो, जाय गाञ्जि कलेस्ट्रलखौ बाडाइ खालामनायाव मदद होयो आरो मोजां कलेस्ट्रलखौ बांहोयो।

हादतगिरि डनाल्ड ट्राम्पखौ राजखान्थिनि अनगायै माखासे सावथुनफोराव नुनो मोन्दों

हादतगिरि मासिनि बिसायख'थियाव फिन खेव देरहानायनि उनाव डनाल्ड ट्राम्पआ जारिमिन सोरजिबाय। राजखान्थिनि अनगायैबो बिथाड सावथुनफोरनि गेजेरजोंबो सुबुंफोरनि गोसोआव गावनि जायगा बानायनायावबो जाफु'सारनो हादों। डनाल्ड ट्राम्पआ बावैसो सिगां नैथि खेव हादतगिरि मासिनि बिसायख'थियाव देरहानो हादों। बिथाड बे देरहासार जानायजों जारिमिन सोरजिदों। जाफु'सार राजखान्थि केरियारनि अनगायैबो बिथाडा हलिउडनि सावथुनफोरावबो गोबां खेव नुजाथिखांबाय। बिथाडा सावथुनफोर, टिभि सिरिज आरो कमारसिएल्सफोराव माखासे गाहाइ बिफाव होदों। डनाल्ड

ट्राम्पआ 'हम एलन 2: लास्ट इन निउयकं सावथुनाव मोनसे जर'खा फावआव नुजाथिदोंमोन। बे सावथुना 1992 माइथायाव रिलिज जादोंमोन। सावथुनाव बिथांखौ हटेल्नि बिगोमानि फावआव नुनो मोन्दोंमोन। बेनि गेजेरव बिथांना दा लिटिल रास्कल्स मुनिबो सावथुन दड। 1994 माइथायाव नुजाथिनाय बे सावथुनाव डनाल्ड ट्राम्पआबो बाहागो लादोंमोन। सावथुनाव बिथांनि फावनि मुडा वाल्ड जनस्टन देभितियमोन। आमेरिकानि हादतगिरि डनाल्ड ट्राम्पआ 1995 माइथायावबो पर्यायाव नुजाथिदोंमोन। 'एक्रस दा सि अफ टाइम' सावथुनाव बिथांखौ मोनसे गाहाइ फावआव नुनो मोन्दोंमोन। डनाल्ड ट्राम्पआ



'दा एससिएट' सावथुनाव मोनसे स्पेसिफिक फावआव नुजाथिदोंमोन। सावथुनाव बिथांनि फावआ एसेबां गिदिर नडामोन। नाथाय बे सावथुनाव बिथांखौ जोबोद अन्सायदोंमोन। 1998 माइथायाव फैन्या '54' मुनि सावथुनावबो डनाल्ड ट्राम्पआ नुजाथिखांबाय। बे सावथुनावबो बिथाडा स्पेसिफिक फावआव दडमोन, नाथाय फिसा फावआवबो बिथाडा मोजां खामानि मावदोंमोन। बिथांखौ सेलेब्रिटी सावथुनावबो नुनो मोन्दोंमोन। बे सावथुनाव बिथांखौ निउयकनि माखासे मुंदांखा फावगिरिफोरजों लोगोसे मोनसे ग्लेमारस इभेन्टआव नुनाय जादोंमोन। बेनि अनगायैबो बिथांखौ 'जुलेन्डर' सावथुनाव गावनि महरावो नुनो मोन्दोंमोन। बिथांखौ सावथुनाव मोनसे रेड कार्पेटआव बाहागो लानाय नुनो मोन्दोंमोन।

'केप्टेन आमेरिका ब्रेभ निउ वाल्ड' नि ट्रेलारखौ रिलिज खालामबाय

'केप्टेन आमेरिका: ब्रेभ निउ वाल्ड' नि गोदान ट्रेलारआ माखासे सम सिगांनो रिलिज जाबाय। सावथुननि ट्रेलारआ सुपारबिलेननि मुजिथावना दावबायनायखौ खोथा होयो। सावथुनाव हेरिसन फर्डआ थेजियस रसनि महराव गावनि एमसिइउखौ डेब्यु खालामदों। आरो सेम उड्ल्सननि केप्टेन आमेरिकानि बेरेखायै रेड हाल्कखौ दिन्थिदों। सावथुननि मुजिथावना ट्रेलारखौ नुनानै अन्सायगिरिफोरा एक्साइटेड जादों। सोसिफु बोसोरनि मुंदांखा हलिउड एभेन्जार्स सावथुन 'केप्टेन आमेरिका: ब्रेभ निउ वाल्ड' खौ लानानै उन्सायगिरिफोरा जोबोद एक्साइटेड जानानै दड। बे एक्साइटेडखौ नायनानै मार्वल स्टुडियोफोर बे सावथुननि गोदान मुजिथावना ट्रेलारखौ दिने माखासे समनि सिगांनो फोसावबाय आरो नायगिरिफोरा



जोबोद मोजां मोनगासिनो दड। ट्रेलारआ रिलिज जानाय लोगोनो अन्सायगिरिफोरनि फिदवेक

फैनो जागयो। सावथुनाव रेड हाल्कखौ नुनानै अन्सायगिरिफोरा जोबोद एक्साइटेड जादों आरो बे सावथुननि रिलिजखौ गोसो गुडुडै नेनानै दड। सावथुननि ट्रेलारआ राजखान्थिनि नोजोरखौबो दिन्थिनाय जादों। ना थाय बेयाव अन्सायगिरिफोरखौ सेम आरो हाल्कनि गोखों खमलाइ

67थि ग्रेमि एवार्डसनि थाखाय नमिनेशन लिस्टखौ फोसावबाय

67 थि ग्रेमि एवार्डसनि थाखाय नमिनेशन लिस्टखौ फोसावबाय। बे खेबाव 94 केटेगरिआव नमिनेशन जादों। बे सोलिफु बोसोराव बांसिन नमिनेशनखौ बियान्सेआ मोन्नो हादों। बिथांआ 11 थि थाखोयाव नमिनेशन मोन्दों। बियान्सनि मुंआ बांसिन ग्रेमि बान्था देरहानो हानाय लिस्टआव दंफायो। बिथाडा गावनि केरियारआव मोन 32 ग्रेमि बान्था देरहानो हाबाय। बेवहाय रिक्ड अफ दा इयार, एल्बाम अफ द इयार, सं अफ दा इयार, बेस्ट कान्ट्रि एल्बाम आरो गोबां माखासेबो दंफायो। बे खेबनि नमिनेशन लिस्टआव भारतीय दंखोगिरि रिक् के जखौ ग्रेमि एवार्डनि थाखाय नमिनेट खालामदों। रिक् के जनि बेयो ब्रैथि ग्रेमि नमिनेशन जागोन। रिक् के जनि अनगायै भारतनि सितार

दामगिरि अनुष्का शंकरनि मुंआबो बे लिस्टआव दंफायो। बियान्सेजों लोगोसे साब्रै गुबुन आइजो फावगिरिफोरखौ बेनि थाखाय नमिनेट खालामदों। बेवहाय टेलर स्विफ, बिलि एलिश, चपल रन आरो सबरिना कारपेन्टरनि मुंआबो दड। बिसोर साफ्रोमखौबो टप 3 केटेगरिनि रिक्ड अफ दा इयार, सं अफ दा इयार आरो एल्बाम अफ दा इयारनि थाखाय नमिनेट खालामनाय जादों। माखासे गाहाइ कन्टेन्डरफोराव चार्लि एक्ससिएक्स, बिलि एलिश, केन्ड्रिक लेमर आरो पस्ट मेलनआबो दंफायो आरो बिसोर गासैबो लोगोसे केटेगरियाव नमिनेशन मोन्दों। सबरिना कारपेन्टर टैपल रन आरो टेलर स्विफआ गासै मोन 6 नमिनेशनजों लोगोसे नैथि मासिआव दं।



फावखुंगुर मेथ्यु पेरिनि न'नि गोदान सावगारि आरो भिडिअफोरा भाइरेल जादों

आमेरिकानि फावखुंगुर मेथ्यु पेरिआ आथिखालाव जॉनि गेजेराव गैलिया। थानाय बोसोरनि अक्टबर दानाव लस एन्जिल्सनि न'नि हट टबआव बिथांखौ बेहुस जानाय थासारियाव मोन्नाय जादोंमोन, जायनि उनाव डक्टरफोरा बिथांखौ थैबाय होनानै फोसावदोंमोन। 54 बोसोर बैसोनि मेथ्युआ टिबि स्व' 'फ्रेन्डस' आव चेन्डलार बिगनि फाव दिन्थिदोंमोन। भारतआवबो मेथ्युआ जोबोद मुंदांखामोन। बबेखाणि आथिखालनि गोदान खौराड बेनोदि, लस एन्जिल्सनि जाय न'आव मेथ्यु पेरिनि जिउआ गोमादोंमोन बेखौ सासे भारतनि सुबुड बायबाय। बे समाइन न'नि गोदान सावगारिफोर आरो भिडिअआ भाइरेल जागासिनो दड आरो न'खौ बायखानायनि उनाव आर'ज आरो आहुटिबो होनाय जादों। रिपल एस्टेट डबलपर आरो सावथुन मेकार अनिता शर्मा-लिलियनआ बे सोलिफु बोसोरनि अक्टबर दानाव मेथ्यु पेरिनि पेंसिफिक पेलिसेडसआव थानाय बे



समाइन न'खौ बायबाय। मिबथि होनाय जायोदि, अनिताआ बे न'खौ 8.55 मिलियन डलार एबा खमैबो 72 कौटि रांसोआव बायदों। अनिताआ बुडेदि, 'जोंहा बे मोनसे बाध्राखौ मिबथि होनायाव जोबोद गोजोन्नाय मोन्दों जे अक्टबर दाननि जागायजेन्नायाव लस



एन्जिल्सआव जोंहा मोनसे न' बायबाय। जॉनि एजेन्टआ बुंदोंमोनदि, बिथानाव मोनसे सोमोनांथाव 'अफ-मार्केट' प्रपार्टि दड। बेनि उनाव जाय न'खौ जों हाबजेन्नायै नायो अन्ना आंहा बे न'निफ्राय प्रशान्त लैथोमाखौबो नुहरोमोन आरो बे नुथायानो आनि गोसोखौ बोनायै हमदांहोदोंदि बे न'खौ

बायनांगौ। अनिताआ गावनि बे गोदान न'खौ हिन्दु घोरोमनि नेम-खास्थि बायदिथै इशोरनाव आर'ज गाबदों आरो आहुटिबो सावदों। बिथानि सिगां बे न'नि बिगोमाया सोरमोन बेजों बिथाडा जेबो सोमोन्दो गैयामोन। अनिताआ पस्टआव आरोबाव बुंवावयोदि, सासे रियेल एस्टेट डभलार हिसाबै

आं सानोदि, गासिबो प्रपार्टिआवबो मोनसे जारिमिन थायो, नाथाय गासिबो एबा बयनिबो न'आवबो मोनसे गोहोबो थायो, जायखौ न'नि बिगोमाया न'आव लाबोयो। आं सासे हिन्दु आरो जेब्लानो न'फोर गोदान बाययो एबा बानायो अन्ना बोर बिनाय आरो इशोरनाव आर'ज गाबनायनि मोनसे नेम दड। जों जोबोद खाफाल गोनां जे एरिजनानिफ्राय जॉनि पन्डितजी एबा गुरुआ बोर सारसिनो थाखाय जॉनि न'सिम फैदों। मख'नो गोनादि, बे न'खौ 1965 माइथायाव बानायदोंमोन। दिसेम्बर 2023 माइथायाव मेथ्यु पेरिनि पस्टमर्टेम रिपर्टनि बायदिब्ला, फावखुंगुरआ के टामाइननि अभावरडज जानायनि जाहोनाव जिउ गोमादोंमोन।

तामिलनि फावखुंगुर दिल्ली गणेशआ रुंसारि जाबाय

रबिबार सानखालि एन्टरमेन्ट मुलुगनिफ्राय मोनसे दुखुनांथाव खौराड सोराडव फैदों। तामिल सिनेमायाव गोबाव समनिफ्रायनो फावखुंगुर महरै फाव खालामबोनाय मुंदांखा फावखुंगुर दिल्ली गणेशआ रुंसारि जाबाय। 80 बोसोर बैसोआव मुंदांखा फावगिरिआ बुद्धमनिफ्राय बिदाय लाबाय। बिथानि जिउ गोमानाय खौराड सोराडव फैन्या लोगो-लोगोनो इन्डास्ट्रिआव दुखुनि दोहों सोमजिदों आरो साफ्रोमबो सुबुंफोरनो बिथानि सोमोन्दै मिबथिनानै दुखु मोन्दों। गोबाव समनिफ्रायनो दिल्ली गणेशआ बैसो जानायजों लोगोसे देहानि जेनाजों भुगिनांगासिनो दडमोन। बेनि जाहोनावनो बिथाडा 9 नभेम्बर हरनि समाव चेन्नाइयाव गावनि जोबथा हांखौ बोयो आरो बे बुहुमखौ अराय समनि थाखाय बिदाय लायो। दिल्ली गणेशनि गुबै मुडा गणेशनमोन। बिथाडा सावथुनाव सापर्टि रलनि थाखाय जोबोद मुंदांखामोन। 1944 नि 1 आगस्टआव तामिलनाडुनि तिरुनेलभेलियाव बिथाडा जोनोम मोन्दोंमोन। 1976 माइथायाव दिल्ली



गणेशआ फावखुंगुर महरै सिनेमानि मुंदांखा फिल्ममेकार बालचन्द्रनि सावथुन 'पट्टिना प्रावेशव' निफ्राय गावनि एक्टिनि केरियारखौ जागायदोंमोन। बेनि उनाव बिथाडा माखासे मुंदांखा

सावथुनफोराव गावनि मोजां खामानि मावनायजों मुं आर'जिनो हादोंमोन। बिथाडा राजथावनि दिल्लीआव खोला भारत नाटक सभानिबो सोद्रोमामोन। बे मुंदांखा फावगिरिनि थैनायनि

जाहोनाव नख'रनि सोद्रोमाफोर दुखुनि फावखानव गोल्दों आरो बिथानि अन्सायगिरिफोरबो गोसो बायदों। मिबथि होनाय जायोदि, 10 नभेम्बरखालि नेम-खास्थि बायदिथै बिथांखौ जेबथा बिदाय होनाय जायो। गावनि एक्टि केरियारआव बिथाडा मोनसेनि उनाव मोनसे सावथुन खालामदोंमोन। बिथानि माखासे मख'जाथव सावथुनफोर जादों-कडि साइ, भेल्लि रथम, पलाधभन, रजंगम, रजा परभै, गुदा कावु आरो यार केटी मेलम।

निलम कठारिनि बलिउडआव फैफिन्नायखौ लानानै माखासे बाध्रा सावरायदों

मख'नो गोनादि, कामबेक खालामनाय एबा फैफिन्नाय खामानियानो बयनिखुडबो गोब्राबसिन जायो। जर'खायै फावगिरिफोरनि थाखाय, जाय सिगांआव मोनसे थि हिसाबै खामानि मावखानाय आरो उनाव जेब्ला फैफिन्ना नगिरो अन्ना मोनसे गोदान थासारि आरो सेटआपआव बिथाडा खामानि मावनायनि हुदा खालामनांगीनि गोनांथि जायो। अग्निपथ आरो हम साथ-साथ है सावथुनफोराव खामानि मावखानाय फावखुंगुरि निलम कठारियाआ गावनि केरियारनि नैथि खोन्दोखौबो जागायबाय, नाथाय सिगांनि बायदि फावखौ लानानै बिथाडा खौरांआव थानो सानाखै। बे खेबाव बिथाडा रिप्लिटि स्व' खालामनायनै गोजोन्दों। नेटफ्लक्सनि स्व' 'फेब्युलास लाइभ्स भासैस बलिउड वाइभ्स' नि मोन्थाम सिजन खालामखानाय निलमआ बुडेदि, कामबेक खालामनाया थारैनो गोब्राव जायो, नाथाय

सावथुनफोराव गावनि मोजां खामानि मावनायजों मुं आर'जिनो हादोंमोन। बिथाडा राजथावनि दिल्लीआव खोला भारत नाटक सभानिबो सोद्रोमामोन। बे मुंदांखा फावगिरिनि थैनायनि



आंनि थाखाय बे खेबाव सुबुंफोरनि सिगांआव नुजाथि फैन्या आलादा जादों। बे खेबाव स्टारडमनि नारसिनाय गैयामोन। आं बेनि क्रेडिटखौ करण जौहरो होयो। 80 आरो 90 माइथायनि फावखुंगुरि जानायनि जाहोनावबो दिनेसिम अन्साइनाय मोन्नो हानाया जोबोद गिदिर बाध्रा। बे खेबाव गासिबो बैसोनि अन्साइगिरिफोरनो अन्नाय होदों। जायफोरा आंनि सावथुनखौ नायदोंमोन, दा बिसोरनि गथ'फोराबो आंनि

स्व'खौ नायदों। आंनि थाखाय माखासे दरजाफोराबो गेवदों। आंनि ज्वेलरनि बिजनेसआबो दावखोसिन्दों। बेनिफ्राय सावसिन कामबेक आरो मा जानो हाबावगौ। बेयो आंनि नैथि खोन्दो, जायखौ आं आंनि गोसो बायदिथै गेलेगोन। आथिखालाव आं खालि रिप्लिटि स्व' खालामनायनै गोजोन्दों। आंहा आंनि बिजनेसखौ खालामनांगौ आरो फिसाजोखौ जोथोन लानांगौ। बे समाव आं बेखौनो खालामनायै एबा मावनायै गोजोन्नाय मोन्दों।

पंकष आडवानीआ बिलियार्डसनि बिमुं देरहादों

गोदान दिल्ली, 10 नभेम्बर: भारतनि मुंदांखा स्तर स्तुकार पंकष आडवानीआ गावनि केरियारआव आरेबाव मोनसे जाफुंसायनाय रेकड थिसन्दों। बिथाडा दहाआव खुंजानाय आइबिएसएफ वर्ल्ड बिलियार्डस सेम्पियनसिपआव इलेन्डनि रबाट हलखौ 4-2 स्करआव फेजेन्नाई खेब 28 थि बे इभेन्टिनि बिमुं देरहायो। जेराव बेनि सिगां आडवानीआ 2016 आव बे बिमुंखौ देरहादोंमोन। महामारि कस्तानि उनाव 2020-21 आव बे सेम्पियनसिपआ खुंजायखेमोन। आडवानीआ बे समाव बेरेखा बादायारिखौ 151-94, 151-0, 150-84, 74-151, 6-154, 152-46 स्करजों



फेजेन्डों। पंकषआ बेयाव देरहानायजों लान्थियै खेब 7 बिमुं देरहानायआव जाफुंसारदों। देरहानायनि उनाव आडवानीआ वर्ल्ड बिलियार्डसनि बिमुंखौ लान्थियै देरहानो हानायखौ गोजोन्नाय फोरमायदों। लोगोसे बे

सेम्पियनसिपआव देरहानाय थिसननांगोखौ गोब्राब सेलेन्ज फोरमायो। अब्लाबो गावनि नाजानाय आरो गोब्राब फोथायनायजों बिमुं देरहानो हानायखौ गोजोन्नाय फोरमायदों।

गोदान दिल्ली, 10 नभेम्बर: भारतीय हान्जानि केप्टेन हरमनप्रीट सिंहआ हकीनि फोथारआव गोखौडे दिन्थिफुंनयनि थाखाय बोसोरनि साबसिन हकी गेलेगिरि सायख 'जादों। बिथाडा इन्टरनेसनल हकी फेडरिसनफ्राय 2023-24 नि थाखाय साबसिन हौवा गेलेगिरि मानजों बरयजदों। गुबुन फासें पिआर श्रीजेशखौ फेडरिसनआ साबसिन हौवा गेलेगिरि गल किपार महरै सायख 'यो। भारतीय हकी हान्जानि केप्टेन हरमनप्रीटआ पेरिस 2024 नि अलिम्पिक आव क्वार्टर फाइनल, सेमिफाइनलखौ



लाफानानै गासै 10 गल सोदोंमोन। स्पेनि हेंथायै ब्रन्ज मेडेलनि मेचआवबो बिथाडनो गले गल सोदोंमोन। जायनि मददजोंनो भारतनि हान्जाया लान्थियै नैथि खेब ब्रन्ज मेडेल देरहादों। भारतआ स्पेनखौ बे समाव 2-1 गलआव फेजेन्नाई अलिम्पिकआव लान्थियै नैथि खेब पडियामसिम सौहेदोंमोन। बिथाडा टकिय अलिम्पिक

गेम्सआव गावनि 41 बोसोरनि पडियामआव गाखोहैनो सिमां सुजुनायखौ जाफुंहोनायव बिहोमा जगायदों। 2020-21 आरो 2021-22 नि सिजनआवबो बिथाडा प्लेयार अफ दा इयार बाथ्याजों मान होजादों। थामहिनबा बे खेबनि मानआ बिथानि थाखाय फेडरिसनजों थामथि खेब मान होजानाय। नाथाय बे खेबआव

बिथाडा भारतीय हान्जानि केप्टेन जानायनि उनावसो बे बाथ्याखौ मोन्दों। जेराव केप्टेन महरै बिथाडनो गावनि गिबि अलिम्पिकआव हान्जाखौ मेडेल देरहाहोदों। हान्जानि गल किपार पिआर श्रीजेशआ पेरिस अलिम्पिकआव मेडेल देरहानायनि उनावनो हारिमायारि हकीनिफ्राय आजिष लादों। जेराव पेरिसआव स्पेनि हेंथायै ब्रन्ज मेडेलनि मेचआव गेलेनाय मेचआनो बिथानि जोबथा हारिमायारि मेचमोन। बिथाडा गावनि केरियारआव खेब 336 हारिमायारि मेच गेलेदों। बिथाडा लान्थियै खेबनै अलिम्पिक मेडेल देरहानाय भारतनि हान्जायाव जर'खा बिहोमा जगायदों। बिथानि केप्टेनआव भारतआ 2016 नि रिय अलिम्पिकआव ओंखारदोंमोन।

नाथाय बै समाव हान्जाआ 8 थि मासिआवसो थारदोंमोन। 2010 आव गिबि वर्ल्ड काप गेलेनायनि उनाव श्रीजेशआ हान्जानि जर'खा सिजनफोरय बाहागो जाबोदों। जायनि फारिआव 2014 नि एसियान गेम्सआव सना आरो जाकार्ता-पालेम्बांआव 2018 आव एसियाडआव ब्रन्ज मेडेल देरहानायबो गोग्लैयो। बिथाडा 2018 आव एसियान सेम्पियन्स टुफीआव चुथायै सेम्पियन जानाय हान्जानि अनगायै भुबनेस्वरआव 2019 आव एफआइएइस मेन सिरिज फाइनलआव सेम्पियन जानाय हान्जायावबो दडमोन। 2021 आव श्रीजेशआ खेल रत्न बाथ्याजों मान होजादों। जेराव 2022 आव बिथाडा 2021 नि थाखाय साबसिन एथलीट सायख 'जादोंमोन।

निरज चप्राआ खेबथाम अलिम्पिक सेम्पियननि दैदेन्नायाव गावनि सिजनखौ जागायनो साखा-फारा



गोदान दिल्ली, 10 नभेम्बर: खेबनै अलिम्पिक मेडेल देरहानाय निरज चप्राआ गावनि केरियारआव मुंदांखा गेलेगिरिखौ कच महरै मोन्नायखौ लानानै गोजोन्नाय फोरमायदों। गलेन्ड बय निरजआ मुंदांखा जेभलिन खुबैग्रा खेबथाम अलिम्पिक सेम्पियन यान जेलेन्जीखौ गावनि गोदान कच मोन्नायखौ फोसावलाइनि गेजेरजों रोखा खालामदों। खेबथाम

अलिम्पिक आरो वर्ल्ड सेम्पियन आरो सोलिफु वर्ल्ड रेकड हलडार जेलेन्जीआ गोबाव समनिफ्रायनो निरजनि थुलुंगानि फुखा जानानै दड। फोसावलाइनि गेजेरजों निरजआ उन्दै समाव बिथानि भिडिअखौ नायनानै गावनि सम बारहोबानायखौ फोरमायदों आरो बे समाव बिथानि दिन्थिफुंनय आदोब आरो गोहोखौ बाखायदों। जेलेन्जीआ गोबां बोसोरसिम

गावनि रोंगथिजों बेरेखा बादायारिफोरखौ गादबबोदों। जाडनाव निरजआ गावनि गुरु मानिनायजों हाबा मावनो मोनगोनखौ गोजोन्नाय फोरमायदों। लोगोसे बिथानिफ्राय गोबां गियान मोनगोनखौ मिजिथिदों। सिगां फासें निरजआ जेलेन्जीजों गावनि हाबा मावनो मोन्नायखौ सम्माननि बाथा फोरमायो। मानोना गावनि केरियारआव जेलेन्जीआ गोखों

रोंगथिजों गोबां मुं आर्जिनो हादों। बिथानि दैदेन्नायाव निरजआ गावनि केरियारआव आरोबाव गुबुन आगानजों जाफुंसारनो नाजगोन। गुबुन फासें बे समाव जेलेन्जीआबो गोबाव सम सिगां निरजनि सायाव गावनि बाथा सावयनो मोन्नायखौ फोरमायो। लोगोसे निरजनि जागायजेन्नायखौ फोरमायनानै बे समावनो गावनि निरजनि गोजौ थाखोसिम आवगायलानो हागोननि मोन्दांथिनायखौ फोरमायो। बे समाव बिथाडा निरजनि जाग्गिमिनखौ गोजोन्नाय फोरमायो आरो लाइमोन गेलेगिरि महरैगावनि रोंगथिनि सायाव गोबां सुदयनाय लोबोनो हाबावगोनखौ फोरमायो। मख'नो गोनान्दि, 1992, 1996 आरो 2000 नि अलिम्पिक गेम्सआव सनानि मेडेल देरहानाय जेलेन्जीनि मुखव दासिमबो 7-10 साबसिन खुबैनायाव लाखिनाय रेकडआ जायाग मोनो। 1999 आव बिथाडा जामानीआव 98.48 मिटर जास्थायजों वर्ल्डरेकडथिसन्दों जेराव बे रेकडखौ बिथाडा खेबब्रँ सिफयवबनो हादों।

पिभि सिन्धुआ लस एन्जिल्स अलिम्पिकनि सायाव रोखा खालामदों

गोदान दिल्ली, 10 नभेम्बर: खेबनै अलिम्पिक मेडेल देरहानाय पिभि सिन्धुआ पेरिस अलिम्पिकआव मिजिथि बादियै दिन्थिफुंनो हायाखेमोन। जाडनाव बिथाडा अलिम्पिकआव मेडेल देरहानायनि हेट्टिक थिसनो नागिरनाया फेलें जादों। फेगौ बोसोरब्रँनि उनाव लस एन्जिल्स अलिम्पिकआ 2028 आव खुंजागोन। बेबादि थासाखिआव सिन्धुनि बे गेम्सआव बाहागो जागोन एवा जायानि सायाव माखासे सोंथि सिखाडो। जायनि सायाव सिन्धुआ गावनि मोन्दांथिखौ फोरमायदों आरो सोलिफु समाव गावनिफ्राय गोबां मोनफुंनो हानायनि गोहोआ मोजाडेनो दड होन्ना फोरमायो। सिन्धुनि बादिब्ला, बिडब्लिउएफ साकितआव दासिमबो गाव गोबां बिमुं देरहानो हानायनि गोहोआव दड। जाडनाव 2028 नि लस एन्जिल्स अलिम्पिकआवबो गावनि नोजोरआ गोग्लैगोन। आमेरिकायाव खुंजानो गोनां बे अलिम्पिकसिमआव सिन्धुनि बैसोआ 33 बोसोर जाहैगोन। नाथाय खेबनै अलिम्पिक मेडेलिस्ट सिन्धुआ बे समसिमआव माखासे जोखोमनि जेनाफोरनिफ्राय जानगाराव थाहैयोब्ला आरो देहायारि महरै पीठआव थायोब्ला गावनि अलिम्पिक मेडेल देरहानाया रोखा जाहैगोन। बारग' वर्ल्ड सेम्पियन सिन्धुआ 2016 आव रिय अलिम्पिकआव सिलभार आरो 2020 नि टकिय अलिम्पिकआव ब्रन्ज मेडेल देरहादों। बिथाडा प्री क्वार्टर फाइनलाव जेन्नांनानै पेरिस अलिम्पिकनिफ्राय उदां आखाइयैनो गिदिबोनादों। बेनि उनाव बावैसो सिन्धुआ खौरिगिरिनि मोगा-मोगिआव गावनि पीठआव



थानायखौ फोरमायो आरो बेबादि थासाखिखौ लान्थियै लाखिनानै जानो गोनां इभेन्टफोरय बिमुं देरहानो नाजगोननि फोथायथि होनायजों लोगोसे लस एन्जिल्स अलिम्पिकनि सायावबो गावनि नोजोर गोग्लैनायखौ फोरमायदों। सिन्धुआ मुंदांखा प्रकाश पाडुकनि दैदेन्नायावनो गोबां मिजिथिजों पेरिस अलिम्पिकआव थादोंमोन। नाथाय राउन्ड 16 आव बिथाडा चीननि बादायारिजों जेन्नाडो। जायनि सायाव सिन्धुआ अलिम्पिकसिम हाथिनाय लामाखौ मोर्जाब्लाबो मिजिथिनि बाइजोआव दिन्थिफुंनो हानायनि थाखाय फेलें जानायखौ गनायनानै लायो। लोगोसे गावनि बे गोरेन्थिनिफ्राय गोबां सोलोनो मोन्नायखौ फोरमायनानै इडुनिन समाव मोजां फर्मजों ओंखारफिनगोननि खोथा होयो।



आसाम सरकार

निखावरिफोरनि खाथियाव आसाम सरकार दावगाथायनि बिथिडाव राइज्यो जौनि

बे दानाव

11

अक्ट'

पेन्सन आरो अरुनदयनि सान

मुलाफ्फा मोन्नाय मुलाफ्फागिरि

43,03,432

दानफ्रोमबो रां होनाय

392.81 कौटि

अरुनदय

मुख्लं कुशल कुँवर सर्वजननि बैसो गोरा पेन्सन

माहारियारि बेंगुरा, रान्दि आरो बैसो गोरा पेन्सन बिथाखि

बिथाखिफोर

इन्दीरा मिरि सर्वजननि रान्दि पेन्सन आरो दिनदयाल बेंगुरा अन्सुंथाइ बिथाखि अरुनदय बिथाखियाव सोसन्नाय जादो

जर'खा फोसावथाय 10 नभेम्बर अक्ट'आ रविवार जानायनि थाखाय वे पेन्सन आरो अरुनदयनि रांखौ 11 नभेम्बर, समबारखालि डिबिटिनि गेजेरजों होनाय जागोन

नायनो गोनां: उफ्रा बिसायख'थि फोसावजानाय जिल्लाफोराव बिसायख'थिनि कड अफ कन्डाक्टआ मावफुंजागोन

फोरमायथाइ आरो सुबुं फोनांजाव बिथोनगिरिख', आसामजों फोसावजानाय

Connect with us [@diprassam](https://www.facebook.com/diprassam) [@diprassam](https://www.instagram.com/diprassam) [@diprassam](https://www.youtube.com/diprassam) [dipr.assam.gov.in](https://www.dipr.assam.gov.in)

Janasanyog /D/8538/24/11 November 2024

Owned, printed and published by Garkhwad Basumatary from Maibong Nwgr, J.D. Road, Kokrajhar, W/No. 5, P.O. & Dist. Kokrajhar, B.T.C, Assam; Printed at BODOSA PRESS, Gwjwmpuri, P.O. & Dist. Kokrajhar, B.T.C, Assam; Phone & Fax No. : 03661-276785; E-mail: bodosa@gmail.com, bodosa_daily@yahoo.co.in; Editor : Baburam Basumatary, Executive Editor : Mwgthang Basumatary

CYMK

CYMK

Issue No - 224.pmd

8

11/10/2024, 11:21 PM